

張司業詩集目錄

卷第一

古釵歎

別離曲

隴頭行

各東西言

廢宅行

猛虎行

秋夜長

離宮怨

春別曲

塞上曲

遠別離

征婦怨

朱鷺曲

牧童詞

楚妃怨

董逃行





妾薄命

江村行

宴客詞

湘江曲

楚宮行

白鬢吟

樵客吟

傷歌行

築城詞

春江曲

烏棲曲

車遥遥

短歌行

野老歌

白苧詞

泗水行

江南曲

行客難

少年行

永嘉行

將軍行

雲童行

長塘湖

雀飛多

卷第二

節婦吟寄李司空

沙堤行呈裴相國

寄菖蒲

北邙山

山頭鹿

白頭吟

吳宮怨

求仙行

宛轉行

採蓮曲

羈旅行

寄衣曲

送遠曲

憶遠曲



春堤曲

湖南曲

寄遠曲

春水曲

送遠曲

促促詞

烏啼引

楚妃怨

關山月

成都曲

春日行

賈客樂

寒塘曲

廢瑟詞

洛陽行

懷別

離婦

離怨

西州

新桃

惜花

卷第三

董公詩

學仙

沈千運舊居

懷友

寄韓愈

別段生

贈姚怱

傷于鵠

獻從兄

南歸

卧疾

贈孟郊

城南

野居

夜懷

和舍人叔思琴



野寺後池寄友

寄別者

病中寄白學士

雨中寄元宗簡

岸花

惜花

別于鵠

野草

秋山

山禽

祭退之

卷第四

薊北旅思

舊宮人

春日留別

沒蕃故人

江南春

西樓望月

別鶴

江陵孝女

山中古祠

不食姑

古苑杏花

送流人

宿臨江驛

送蠻客

襄國別友

送遠客

山中贈日南僧

征西將

寄友人

送防秋將

律僧

送新羅使

宿廣德寺寄從舅

宿邯鄲寄友人

送閑師歸江南

過賈島野居



酬韓庶子

答姚合少府

送僧遊五臺

送鄭秀才歸寧

送李評事遊越

夏日閑居

夏日閑居

晚秋閑居

和陸司業寄所知

酬韓祭酒見寄

和裴僕射言志

和裴僕射朝迴

酬白舍人相招

和李僕射病中

贈王建藤杖筍鞋

和周贇善聞子規

送李騎曹歸覲

寒食夜寄姚侍御

古樹

送徐先生歸蜀

隱者

送友人歸山

哭山中友人

老將

漁陽將

贈同溪客

秋閨

聽夜泉

送南遷客

薊北春懷

思遠人

送宮人入道

送越客

贈辟穀者

思江南舊遊

夜到漁家

送邊使

春日病中

送嚴大夫之桂州

詠懷



使至藍溪寄王丞 留別江陵王少尹

雪溪西亭晚望

卷第五

春日李舍人宅 山中春夜

送南客 宿江店

嶺外逢故人 出塞

寄紫閣隱者 宿黑竈溪

答僧拄杖 送海客歸舊島

靈都觀李道士 送韋評事歸華陰

送閩僧 登感化寺樓

遊襄陽山寺 登城寄王建

送從弟往蘇州 送朱餘慶歸越

閑居 寄昭應王丞

酬孫洛陽草 送人任濟陰

晚春過崔駙馬宅 送安西將軍

題李山人幽居 早春閑遊

題清徹上人院 舟行寄李湖州

送安法師 贈海東僧

寄漢陽故人 和裴司空即事

寄靈一上人 使迴留別李司空



和令狐尚書

和裴司空請鶴

同胡郎中對雨

莊陵挽歌 三首

和元郎中 十首

和李僕射雨中

酬李僕射見示

和盧常侍寄隱者

和令狐尚書有寄

送鄭尚書出鎮

徐州試反舌無聲

省試行不由徑

新成甲仗樓

贈殷山人

卷第六

寒食內宴 二首

朝日賜櫻桃

拜豐陵

贈孔尚書

賀秘書王丞

送令狐尚書

贈閻少保

田司空入朝

送鄭尚書赴廣州

送和蕃公主

太白老人

寄虔州韓使君

和裴司空

送從弟赴饒州

寄和州劉使君

胡山人歸王屋

送汀州源使君

寄洛陽孫明府

送浙西周判官

送胡鍊師歸王屋

送邵州林使君

贈商州王使君

寄令狐賓客

寄梅處士



送施肩吾東歸

崑崙兒

贈李杭州

酬杭州白使君

寄蘇州白使君

酬浙東元尚書

送白賓客分司

贈王司馬赴陝州

同韋少監

寄王六侍御

送稽亭山僧

贈項斯

寄陸渾趙明府

贈道士

送裴相公鎮太原

送李司空鎮襄陽

送李僕射赴鳳翔

寄白舍人

寄元貞外

贈梅處士

贈王秘書

謝裴司空寄馬

酬王丞見寄

送李餘及第歸蜀

早朝寄白舍人

書懷寄元郎中

贈道士宜師

書懷寄王秘書

題韋郎中新亭

送楊判官

喜王起侍郎放榜

贈王司馬

書懷

贈令狐巨源博士

送從弟彤東歸

哭丘長史

贈王秘書

送枝江劉明府

送從弟徹東歸

哭胡十八遇



贈賈島

逢王建有贈

移居答元郎中

送楊少尹赴鳳翔

送韓侍御歸山

新除水曹郎

送楊少尹赴蒲城

哭元九少尹

送侯判官赴廣州

答白杭州見寄

贈趙將軍

卷第七

和韋開州

十二首

涇州塞

送遠客

寄西峰僧

禪師

惜花

題暉禪師影堂

登樓寄胡家兄弟

答劉明府

酬藤杖

法雄寺東樓

寄故人

感春

贈李司議

別客

寄府吏

弟蕭遠雪夜同宿

同白侍郎杏園

尋仙

秋思

憶遠

玉仙館

倡女詞

答元八遺紗帽

題僧院

題故僧影堂



送元八

吳楚歌詞

題方瞳上人

寄宋景

寄王奉御

題渭北寺上方

題山寺僧院

送客遊蜀

憶故山

贈陸暢

答鄱陽客藥名詩

華嶽廟

弱栢院僧影堂

病中酬元宗簡

寺宿齋

贈施肩吾

贈王建

逢賈島

春日早朝

涼州詞 三首

宮詞 二首

華清宮

崔駙馬養鶴

閑遊

劉兵曹贈酒

送梧州王使君

寄朱闕二山人

寄李淑

隣婦哭征夫

崔駙馬聞蟬

和裴僕射看櫻桃

和長安郭明府

與唐觀看花

九華觀看花

贈姚合

同韋負外尋道士

同韓侍郎夜賞

使行至悟真寺

重陽日至硤道

贈主客劉郎中



聞唐昌仙過

送蜀客

宮山詞

美人宮碁

蠻州

送元宗簡

寄徐晦

寄白學士

題玉像堂

與賈島閑遊

哭丘長史

哭孟郊

患眼

答劉兢

贈華嚴院僧

逢故人

送蕭遠弟

送辛少府任安樂

贈任道士

招周處士

送許處士

送律師歸婺州

題楊秘書新居

送胥師

送僧歸金州

尋徐道士

答開州韋使君

蠻中

贈道士

望平驛作

宿天竺寺寄僧

送元紹

喜王六同宿

卷第八

會合聯句

春池汎舟聯句

宴興化池亭聯句

首夏猶清和聯句

以上凡有點者皆  
予藏宋四卷本  
五多



薔薇花聯句

西池落泉聯句

拾遺

三原李氏園宴集 山中酬人

岳州晚景 水

和李僕射西園

附錄

韓吏部十八首 白侍郎十三首

劉賓客三首

張司業詩集世所傳者歷陽盱江二本爾編次不倫字亦多誤余家藏元豐八年寫本以

樂府首卷絕句繫後既有條理其間古詩亦多二本十數首如學仙董公二詩乃樂天所稱謂可上風人主下誨藩臣者二本闕焉此獨有之但寫時亦欠校勘不無錯字今合三本校定為八卷共四百二十六首復錄退之樂天夢得酬贈諸篇附卷後差完善可觀已祭退之長篇諸本皆闕今用昌黎外集添入但樂天所稱商女勤齊二詩及韓集所載同張十八效阮步兵一日復一日體此等詩皆不可復見以此知遺逸多矣本朝張文懿公



於唐人詩中最愛司業之作王荆文公絕句亦云蘇州司業詩名老樂府皆言妙入神看似尋常最竒崛成如容易却艱辛前輩推重司業之詩如此近時罕有傳誦者故爲之搜訪整比以俟好風雅者刻焉番陽湯中

張司業詩集目錄

張司業詩集卷第一

樂府上 四十首

古釵歎

寶釵墜井無顏色百尺泥中今復得鳳凰宛轉有古儀欲爲首飾不稱時女伴傳看玉窻下羅袖拂拭生光輝蘭膏已盡股半折雕文刻樣無年月雖離井底入匣中不用還與墜時同

言及六別離曲

行人結束出門去馬蹄幾時更躡門前土憶昔君初納采時不言身屬遼陽戍早知今日當別



離成君家計良為誰男兒生身自有役那得誤  
我少年時不如逐君征戰死誰能獨老空閨裏

二首  
隴頭行

隴頭路斷人不行胡騎已入涼州城漢兵處處  
格鬪死一朝盡沒隴西地驅我邊人胡中去恣  
放牛羊食禾黍去年中國養子孫今著羶裘學  
胡語誰能還使李輕車重取涼州屬漢家

二首  
各東西言

遊人別一東復一西出門相背兩不返唯信車  
輪與馬蹄道路悠悠不知處山高海濶誰辛苦

遠遊不定難寄書日日空尋別時語浮雲上天  
雨墜地暫時會合終離異我今與子非一身安  
得生死不相棄

二首  
廢宅行

胡馬崩騰滿阡陌都人避亂唯空宅宅邊青桑  
垂宛宛野蠶食葉還成繭黃雀銜草入燕窠嘖  
嘖啾啾白日晚去時禾黍埋地中飢兵掘土翻  
重重鴟梟養子庭樹上曲牆空室多旋風亂定  
幾人還本土唯有官家重作主

猛虎行



南山北山樹冥冥猛虎白日繞林行向晚一身  
當道食山中麋鹿盡無聲年年養子在深谷雌  
雄上山不相逐谷中近窟有山川長向村家取  
黃犢五陵年少不敢射空來林下看行跡

秋夜長

秋天如水夜未央天漢東西月色光愁人不寐  
畏枕席暗蟲嘖嘖繞我傍荒城爲村無更聲起  
看北斗天未明白露滿田風裊裊千聲萬聲鴟  
鳥鳴

離宮怨

高唐別館連湘渚長向春江開萬戶荆王去去  
不復來宮中美人自歌舞

春別曲

長江春波綠堪染蓮葉出水大如錢江頭高樹  
君自種那不长繫木蘭船

塞上曲

邊州八月脩城堡候騎先探磧中草胡風吹沙  
度隴飛隴頭林木無北枝將軍閱兵青塞下鳴  
鼓鼙鼙促獵圍天寒山路石斷裂白日不銷帳  
上雪烏孫國亂多降胡詔使名王持漢節年年



征戰不得閑邊人殺盡唯空山

遠別離

蓮葉團團荇葉拆長江鯉魚鬚鬣赤念君少年  
棄親戚千里萬里獨為客誰言遠別心不易天  
星墜地能為石幾時斷得城南陌勿使居人有  
行役

征婦怨

九月匈奴殺邊將漢軍全沒遼水上萬里無人  
收白骨家家城下招魂葬婦人依倚子與夫同  
居貧賤心亦舒夫死戰場子在腹妾身雖存如

晝燭

朱鷺曲

翩翩兮朱鷺來浴春塘棲綠樹羽毛如翦色如  
染遠飛欲下雙翅斂避人引子入深漸動處水  
紋開濼濼詎知豪家網爾軀不如飲啄江海隅

牧童詞

遠牧牛繞村四面禾黍稠陂中飢鳥啄牛背今  
我不得戲隴頭入陂草多牛散行白犢時向蘆  
中鳴隔堤吹葉應同伴還鼓長鞭三四聲牛牛  
食草莫相觸官家截爾頭上角



楚妃怨

梧桐葉下黃金井橫架轆轤牽素縷美人初起  
天未明手拂銀餅秋水冷

董逃行

洛陽城頭火瞳瞳亂兵燒我天子宫宮城南面  
有青山盡將老幼藏其間重巖爲屋椽爲食丁  
男夜行候消息聞道官軍猶掠人舊里如今歸  
未得董逃行漢家幾時重太平

妾薄命

薄命嫁得良家子無事從軍去萬里漢家天子

平四夷護羌都尉裹尸歸念君此行爲死別對  
君裁縫泉下衣與君一日爲夫婦千年萬歲亦  
相守君愛龍城征戰功妾願青樓歡樂同人生  
各各有所欲詎得將心入君腹

江村行

南塘水深蘆筍齊下田種稻不作畦耕塲磷磷  
在水底短衣半染蘆中泥田頭刈莎結爲屋歸  
來繫牛還獨宿水淹手足盡爲瘡山童繞衣飛  
泔泔桑村椹黑蠶再眠小姑採桑不向田江南  
熟旱天氣毒雨中移秧顏色鮮一年耕種長苦



辛田熟家家將賽神

宴客詞

上客不用顧金羈主人有酒君莫違請君看取  
園中花地上漸多枝上稀山頭綠樹不見石溪  
水無風映天碧人人齊醉起舞時誰覺翻衣與  
倒幘明朝花盡人已去此地獨來空繞樹

湘江曲

湘江無潮秋水濶湘中月落行人發送人發送  
人歸白蘋茫茫鷓鴣飛

楚宮行

章華宮中九月時桂花半落紅橘垂江頭騎火  
照輦道君王夜從雲夢歸霓旌鳳輦到雙闕臺  
上重重歌吹發千門萬戶開相當燭籠左右列  
成行下輦更衣入曲房曲房侍女盡焚香玉階  
羅幕似一作微有霜齊言此夕樂未央玉酒湛湛盈  
華觴絲竹次第鳴中堂巴姬起舞向君王迴身  
垂手結明璫願君千年萬年壽朝出射麋夜飲  
酒

白鼉吟

天欲雨有東風南溪白鼉鳴窟中六月人家井



無水夜聞鼉聲人盡起

樵客吟

山上採樵選枯樹深處樵多出辛苦秋來野火  
燒櫟林枝柯已枯堪採取斧聲坎坎在幽谷採  
得齊梢青葛束日西待伴同下山竹擔彎彎向  
身曲共知路傍多虎穴未出深林不敢歇村西  
地暗狐兔行稚子叫時相應聲採樵客莫採松  
與栢松栢生枝直且堅與君作屋成家宅

傷歌行

元和中楊憑  
貶臨賀尉

黃門詔下促收捕京兆尹繫御史府出門無復

部曲隨親戚相逢不容語詞成責尉南海州受  
命不得須臾留身著青衫騎惡馬東門之東無  
送者郵夫防吏急喧驅往往驚墮馬蹄下長安  
里中荒大宅朱門已除十二戟高堂舞榭鎖管  
絃美人遙望東南天

築城詞

築城去千人萬人齊抱杵重重土堅試用錐軍  
吏執鞭催作遲來時一年深磧裹著盡短衣渴  
無水力盡不得休杵聲杵聲未定人皆死家家  
養男當門戶今日作君城上土



春江曲

春江無水潮水平蒲心出水鳧雛鳴長干夫壻  
愛遠行自染春衣縫已成妾身生長金陵側去  
年隨夫住江北春來未到父母家舟小風多渡  
不得欲辭舅姑先問人私向江頭祭鬼神

烏棲曲

西山作宮潮滿池宮烏曉鳴茱萸枝吳姬採蓮  
自唱曲君王昨夜船中宿

言笑車遥遥

征人遥遥出古城雙輪齊動駟馬鳴山川無處

無歸路念君長作萬里行野田人稀秋草綠日  
暮放馬車中宿驚麋遊兔在我傍獨唱鄉歌對  
僮僕君家大宅鳳城隅年年道上隨行車願為  
玉鑿繫華軾終日有聲在君側門前舊轍久已  
平無由暫得君消息

言笑短歌行

青天蕩蕩高且虛上有白日無根株流光暫出  
還入地使我少年不須臾與君相逢勿寂寞衰  
老不復如今樂金卮盛酒置君前再拜勸君千  
萬年



二百九十三 野老歌

老翁家貧在山住耕種山田三四畝苗踈稅多  
不得食輸入官倉化為土歲暮鋤犁傍空室呼  
兒登山收橡實西江估客珠百斛船中養犬長  
食肉

二百九十四 白苧詞

皎皎白苧白且鮮將作春衣稱少年裁縫長短  
不能定自持刀尺向姑前復恐蘭膏汗織指常  
遣傍人收墮珥衣裳著時寒食下還把玉鞭鞭  
白馬

二百九十五 泗水行

泗水流急石纂纂鯉魚上下紅尾短春冰消散  
日華滿行舟往來浮橋斷城邊漁市人早行水  
煙漠漠多棹聲

江南行

江南人家多橘樹吳姬舟上織白苧土地卑濕  
饒蟲蛇連木為牌入江住江村夾日長為市落  
帆渡橋來浦裏青莎覆城竹為屋無井家家飲  
潮水長干午日沽春酒高高酒旗懸江口倡樓  
兩岸臨水柵夜唱竹枝留壯客江南風土歡樂



多悠悠處處盡經過

行客難

湘東行人長歎息十年離家歸未得弊裘羸馬  
苦難前僮僕飢寒少筋力君不見牀頭黃金盡  
壯士無顏色龍蟠泥中未有雲不能生彼昇天  
翼

少年行

少年從獵出長楊禁中新拜羽林郎獨對輦前  
射雙虎君王手賜黃金璫日日鬪雞新市裏羸  
得寶刀重刻字百里報讐夜出城平明還在倡

樓醉遙聞虜到平陵下不待詔書行上馬斬得  
名王獻桂宮封侯起第一日中不爲六郡良家  
子百戰始取邊城功

永嘉行

黃頭鮮卑入洛陽胡兒持戟升明堂晉家天子  
作降虜公卿齊去驅牛羊紫陌旌幡暗相觸家  
家雞犬驚上屋婦人出門隨亂兵夫死眼前不  
敢哭九州諸侯自顧土無人領兵來護主北人  
避胡多在南南人至今能晉語

將軍行



彈箏峽東有胡塵天子擇日拜將軍蓬萊殿前  
賜六纛還領禁軍爲部曲當朝受詔不辭家夜  
向咸陽原上宿戰車彭彭旌旗動三十六軍齊  
上隴隴頭戰勝夜亦行分兵處處收舊城胡兒  
殺盡陰磧暮擾擾空有牛羊聲邊人親戚曾戰  
沒今逐官軍將舊骨磧西行見萬里空幕府獨  
奏將軍功

雲童行

雲童童白龍之尾垂江中今年天旱不作雨水  
足牆上有禾黍

長塘湖

長塘湖一斛水中半斛魚大魚如柳葉小魚如  
針鋒水濁誰能辨真龍

雀飛多

雀飛多觸網羅網羅高樹顛汝飛蓬蒿下勿復  
投身網羅間粟積倉禾在田巢之雛望其母來  
還

張司業詩集卷第一



張司業詩集卷第二

樂府下 三十五首

節婦吟寄東平李司空師道

君知妾有夫贈妾雙明珠感君纏綿意繫在紅  
羅襦妾家高樓連苑起良人執戟明光裏知君  
用心如日月事夫誓擬同生死還君明珠雙淚  
垂何不相逢未嫁時

沙堤行呈裴相國

長安大道沙爲堤早風無塵雨無泥宮中玉漏  
下三刻朱衣導騎丞相來路傍高樓息歌吹千



車不行行者避街官問吏相傳呼當前十里唯  
空衢白麻詔下移相印新堤未成舊堤盡

寄菖蒲

石上生菖蒲一寸十二節仙人勸我食今我頭  
青面如雪逢人寄君一絳囊書中不得傳此方  
君能來作棲霞侶與君同入丹玄鄉

二首乃五北邙山

洛陽北門北邙道喪車鱗鱗入秋草車前齊唱  
薤露歌高墳新起白峨峨朝朝暮暮人送葬洛  
陽城中人更多千金立碑高百尺終作誰家柱

下石山頭松柏半無主地下白骨多於土寒食  
家家送紙錢鴟鳶作窠銜上樹人居朝市未解  
愁請君暫向北邙遊

山頭鹿

山頭鹿雙角芟芟尾促促貧兒多租輸不足夫  
死未葬兒在獄旱日熬熬烝野岡禾黍不熟無  
獄糧縣家唯憂少軍食誰能令爾無死傷

言志白頭吟

請君膝上琴彈我白頭吟憶昔君前嬌笑語兩  
情宛轉如縈素宮中爲我起高樓更向華池種



芳樹春天百草秋始衰棄我不待白頭時羅襦  
玉珥色未暗今朝已道不相宜揚州青銅作明  
鏡暗中持照不見影人心迴互自無窮眼前好  
惡那能定君恩已去若再返菖蒲花青一作生月長  
滿

二百九 吳宮怨

吳宮四面秋江水江清露白芙蓉死吳王醉後  
欲更衣坐上美人嬌不起宮中千門復萬戶君  
恩反覆誰能數君心與妾既不同徒向君前作  
歌舞茱萸滿宮紅實垂秋風裊裊生繁枝姑蘇  
臺上夕宴罷他人侍寢還獨歸白日在天光在  
地君今詎得長相棄

二百九 求仙行

漢皇欲作飛仙子年年採藥東海裏蓬萊無路  
海無邊方士舟中相枕死招搖在天迴白日甘  
泉玉樹無仙實九華真人終不下空向離宮祠  
太一丹田有氣凝素華君能保之昇絳霞

宛轉行

華屋重翠幄綺席雕象牀遠漏微更踈薄衾中  
夜涼爐氣暗徘徊寒燈背斜光妍姿結宵態寢



臂憂夢長宛轉復宛轉悵悵夜未央

採蓮曲

秋江岸邊蓮子多採蓮女兒並船歌青房實圓  
齊戢戢爭前競折蕩漾波試牽綠莖下尋藕斷  
處絲多刺傷手白練束臂袖半卷不插玉釵粧  
梳淺船中未滿渡前洲借問誰家家住遠歸時  
共待暮潮上自弄芙蓉還蕩槳

羈旅行

遠客出門行路難停車斂策在門端荒城無人  
雪滿路火燒野橋不得度寒兔入窟鳥歸巢僮

僕問我誰家去行尋田頭暝未息雙轂長轅礙  
荆棘緣岡入澗到田家主人春禾爲夜食晨雞  
喔喔茅屋傍行人起掃車上霜舊山已別行已  
遠身計未成難復返長安陌上相識稀遙望天  
門白日晚誰人一作能聽我苦辛行爲向君前歌一  
聲

寄衣曲

織素縫衣獨苦辛遠因迴使寄征人官家亦自  
寄衣去貴從妾手著君身高堂姑老無侍子不  
得自到邊城裏殷勤爲看初著時征夫身上宜



不宜

送遠曲

戲馬臺南山簇簇山邊飲酒歌別曲行人醉後  
起登車席上迴樽勸僮僕青天漫漫覆長路遠  
遊無家安可住願君到處自題名他日知君從  
此去

憶遠曲

水上山沉沉征途復繞林途荒人行少馬跡猶  
可尋雪中獨立樹海口失侶禽離憂如長線千  
里縈我心

春堤曲

野塘鷓鴣飛樹頭綠蒲紫菱蓋碧流誰家狂客  
愛雲水日日獨來城下遊

湖南曲

瀟湘多別離風起芙蓉洲江上人已遠夕陽滿  
中流鴛鴦東南飛飛上青山頭

寄遠曲

美人去來春江暖江頭無人湘水滿浣紗石上  
水禽棲江南路長春日短蘭舟桂檝常渡江無  
因重寄雙明璫



春水曲

鴨鴨嘴啞啞青蒲生春水狹蕩漾木蘭船中有  
雙少年少年醉鴨不起

送遠曲

吳門向西流水長水長柳暗煙茫茫行人送客  
各惆悵話離叙別傾清觴吟絲竹鳴笙簧酒酣  
性逸歌猖狂行人告我掛帆去此去何時返故  
鄉殷勤振衣兩相囑世事近來迷淺促願君看  
取吳門山帶雪經春依舊綠行人行處求知親  
送君去去徒酸辛

促促詞

促促復促促家貧夫婦歡不足今年爲人送租  
船去年捕魚向江邊家中姑老子復小自執吳  
絹輸稅錢家家桑麻滿地黑念君一身空努力  
教牛蹄團團羊角直君身長在應不得

烏啼引

秦烏啼啞啞夜啼長安吏人家吏人得罪囚在  
獄傾家賣產將自贖少婦起聽夜啼烏知是官  
家有赦書下牀心喜不重寢未明上堂賀舅姑  
少婦語啼烏汝啼慎勿虛借汝庭樹作高巢年



年不令傷汝雛

楚妃怨

湘雲初起江沉沉君王遙在雲夢林江南雨多  
旌戟暗臺下朝朝春水深章華殿前朝下國君  
心獨自無終極楚兵滿地兼逐禽誰用一身騁  
筋力西江若翻雲夢中麋鹿死盡應還宮

關山月

秋月明朗關山上山中行人馬蹄響關山秋來  
雨雪多行人見月唱邊歌海邊茫茫天氣白胡  
兒夜渡黃龍磧軍中探騎暮出城仗兵暗處低

旌戟溪水連地霜草平野駝尋水磧中鳴隴頭  
風急鴈不下沙場苦戰多流星可憐萬里關山  
道年年戰骨多秋草

成都曲

錦江近西水更綠新雨山頭荔枝熟萬里橋邊  
多酒家遊人愛向誰家宿

春日行

春日融融池上暖竹牙出土蘭心短草堂晨起  
酒半醒家僮報我後園花已滿頭上皮冠未曾  
整直入花間不尋徑樹樹殷勤盡繞行攀枝未



遍春日暝不用積金著青天不用服藥求神仙  
但願園裏花長好一生飲酒花間老

賈客樂

金陵向西賈客多船中生長樂風波欲發移船  
近江口船頭祭神各澆酒停盃共說遠行期入  
蜀經蠻誰別離金多衆中爲上客夜夜筭緡眠  
獨遲秋江初月猩猩語孤帆夜發滿湘渚水上  
持檝防暗灘直過山邊及前侶年年逐利西復  
東姓名不在縣籍中農夫稅多長辛苦蕪業長  
爲販寶翁

寒塘曲

寒塘沉沉柳葉疎水暗人語驚棲鳧舟中少年  
醉不起持燭照水射遊魚

廢瑟詞

古瑟在匣誰復識玉柱顛倒朱絲黑千年曲譜  
不分明樂府無人傳正聲秋蟲暗穿塵作色腹  
中不辨工人名幾時天下復古樂此瑟還奏雲  
門曲

洛陽行

洛陽宮闕當中州城上峩峩十二樓翠華西去



幾時返鳥巢乳鳥藏蟄燕御門空鎖五十年稅  
彼農夫脩玉殿六街朝暮鼓鼙禁兵持戟守  
空宮百官月月拜章表驛使相續長安道上陽  
宮樹黃復綠野豺入苑食麋鹿陌上老翁雙淚  
垂共說武皇巡幸時

懷別

僕人驅行軒低昂出我門離堂無留客席上唯  
琴樽古道隨水曲悠悠繞荒村遠程未奄息別  
念在朝昏端居愁歲永獨此留輕景豈無經過  
人尋歎門巷靜君如天上雨我如屋下井無因

同波留願作形與影

離婦

十載來夫家閨門無瑕疵薄命不生子古制有  
分離託身言同穴今日事乖違念君終棄捐誰  
能強在茲上堂謝姑嫜長跪請離辭姑嫜見我  
往將決復沉疑與我古時釧留我嫁時衣高堂  
撫我身哭我於路陲昔日初爲婦當君貧賤時  
晝夜常紡績不得事蛾眉辛勤積黃金濟君寒  
與飢洛陽賈大宅邯鄲買侍兒夫壻乘龍馬出  
入有光儀將爲富家婦永爲子孫資誰謂出君



門一身上車歸有子未必榮無子坐生悲爲人  
莫作女作女實難爲

離怨

切切重切切秋風桂枝折人當少年嫁我當少  
年別念君非征行年年長遠途妾身甘獨歿高  
堂有舅姑山川豈遙遠行人自不返

西州

羌胡據西州近甸爲邊城山東收租稅養我塞  
下兵胡騎來無時居人常震驚嗟我五陵間農  
者罷耘耕邊頭多傷殺士卒難全形郡縣發丁

役丈夫各征行生男不能養懼身有姓名良馬  
不念秣烈士不苟榮所願除國難再逢天下平

新桃

桃生葉婆娑枝葉四面多高未出牆顛蒿莧相  
凌摩植之三年餘今年初試花秋來未成實其  
陰良已嘉青蟬不來鳴安得迅羽過常恐牽絲  
蟲蒙幕成網羅顧託戲童兒勿折吾柔柯明年  
結甘實磊磊充汝家

惜花

濛濛庭樹花墜地無顏色日暮東風起飄揚玉



階側殘葢在猶稀青條聳復直爲君結芳實令  
君勿歎息

張司業詩集卷第二

張司業詩集卷第三

古詩

二十七首

董公詩

誰主東諸侯元臣隴西公旌節居汴水四方皆  
承風在朝四十年天下誦其功相我明天子政  
成如太宗東方有艱難公乃出臨戎單車入危  
城慈惠安羣兇公謂其黨言汝材甚驍雄爲我  
帳下士出入衛我躬汝息爲我子汝親我爲翁  
衆皆相顧泣無不和且恭其父教子義其妻勉  
夫忠不自以爲資奉上但顛顛公衣無文采公



食少肥濃所憂在萬人人實我寧空輕刑寬其  
政薄賦施租庸四郡三十城不知歲饑凶天子  
臨朝喜元老晉在東今聞揚盛德就安我大邦  
百辟賀明主皇風恩賜重朝廷有大事就決其  
所從海內既無虞君臣方肅雍端居任僚屬宴  
語常從容翩翩者蒼鳥來巢於林叢甘瓜生塲  
圃一帶實連中田有嘉穀隴異畝穗亦同賢人  
佐聖人德與神明通感應我淳化生瑞我地中  
昔者此州人但矜馬與弓今公施德禮自然威  
武崇公其共百年受祿將無窮

學仙

樓觀開朱門樹木連房廊中有學仙人少年休  
穀糧高冠如芙蓉霞月披衣裳六時朝上清佩  
玉紛鏘鏘自言天老書秘彼雲錦囊百年度一  
人妄泄有災殃每占有仙相然後傳此方先生  
坐中堂弟子跪四廂金刀截身髮結誓焚靈香  
弟子得其訣清齋入空房守神保元氣動息隨  
天罡爐燒丹砂盡晝夜候火光藥成既服食計  
日乘鸞凰虛空無靈應終歲安所望勤勞不能  
成疑慮積心腸虛羸生疾疹壽命多天傷身歿



懼人見夜埋山谷傍求道慕靈異不如守尋常  
先王知其非戒之在國章

沈千運故居

汝北君子宅我來見頽墉亂離子孫盡地屬隣  
里翁土木被丘墟蹊路不相通舊井蔓草合牛  
羊墜其中君辭天子書放意任體躬一生不自  
力家與逆旅同高議切星辰餘聲激瘖聵方將  
旌舊閭百歲可封崇嗟其未積年已爲荒林叢  
時豈無知者莫能敦此風浩蕩竟無覩我將安  
所從

懷友

人生有行役誰能如草木別離感中懷乃爲我  
桎梏百年受命短光景良不足念我別離者願  
懷日月促平地施道路車馬往不復空知爲良  
田秋望禾黍熟端居無儔侶日夜禱耳目立身  
難自覺常懼憂與辱窮賤無閑暇疾疹多嗜欲  
思我攜手人逍遙任心腹

寄韓愈

野館非我室新居未能安讀書避塵雜方覺此  
地閑過郭多園墟桑果相接連獨遊竟寂寞如



寄空雲山夏景常晝毒密林無鳴蟬臨溪一盥  
濯清去肢體煩出林望曾城君子在其間戎府  
草章記阻我此遊盤憶時西潭垂並持釣魚竿  
共欣得魴鯉烹鱠於我前幾朝還復來歎息時  
獨言

別段生

與子骨肉親願其長相隨況離父母傍從我學  
書詩同在道路中講誦亦未虧爲文於我前日  
夕生光儀行役多疾疹賴此相扶持貧賤事俱  
難今日有別離我去秦城中子留汴水湄離情  
兩飄斷豈異風中絲幼年獨爲客舉動難爲宜  
努力自脩勵長如見我時我時登山岡再揖問  
還期還期在新年勿怨歡會遲

贈姚怱

漏天日無光澤土松不長君今職下位志氣安  
得揚白髮文思壯才爲國賢良無人識高韻薦  
於天子傍況我愚朴姿強趨名利場遠同干貴  
人身舉固難彰昔逢汴水濱今會習池陽豈無  
再來期顧恐非此方願爲石中泉不爲瓦上霜  
離別勿復道所貴不相忘



傷于鵠

西山無逸人忽覺大國貧良玉沉幽泉名爲天下珍野性踈時俗再命乃從軍氣高終不合去如鏡上塵我初有章句相合者唯君今來弔嗣子對壠燒斯文耕者廢其耜爨者絕其薪笥無新衣裳曷用光我身莫回徒再拜昔意安能陳徒保金石韻千載人所聞

獻從兄

悠悠旱天雲不遠如飛塵賢達失其所沉飄同衆人擢秀登王畿出爲良使賓名高滿朝野幼賤誰不聞一朝遇讒邪流竄八九春詔書近遷移組綬未及身冬井無寒冰玉潤難爲焚虛懷日超遙榮辱常保純我念出遊時每吟康樂文願言靈溪期聊欲相依因

南歸

促促念道路四肢不常寧行車未及家天外非盡程骨肉望我歡鄉里望我榮豈知東與西憔悴竟無成天寒苦夜長窮者不念明懼離其寢寐百憂傷性靈世道多險薄相勸異忠誠遠遊無知音不如商賈行達人有常志愚夫勞無營



舊山幸未賣言歸樂此生

卧疾

身病始知道卧讀神農經空房夜留燈四壁青  
熒熒羈旅逐人歡貧賤還自輕今來問良醫乃  
知病所生僮僕各相憂杵臼無停聲見我形憔悴  
勸藥語丁寧春雨枕席冷窓前新禽鳴開門  
起無力遙愛雞犬行服藥察耳目漸覺如酒醒  
方悟養生者不爲憂患并

贈孟郊

歷歷天上星沉沉水中萍幸當清秋夜流影及

微形君生衰俗間立身如禮經淳意發高文獨  
有金石聲才名振京國歸省東南行停車楚城  
下顧我不念程寶鏡曾墜水不磨難自明苦節  
居貧賤所知賴友生歡會方別離戚戚憂慮并  
安得在一方終老無送迎

城南

漾漾南澗水來作曲池流言尋參差島曉榜輕  
盈舟萬繞不再止千尋盡孤幽藻澁訝人重萍  
分指魚游繁苗毯下垂密箭翻迴輶曝鼈亂自  
墜陰藤斜相鈎卧蔣黑米吐翻芟紫角稠橋低



競俯僂亭近閑夷猶目爲逐勝朗手因掇芳柔  
漸喜遊來極忽疑歸無由氣狀雖可覽纖微諒  
難搜未聽主人賞徒愛清華秋

野居

貧賤易爲適荒郊亦安居端坐無餘思彌樂古  
人書秋田多良苗野水多遊魚我無未與網安  
得充廩厨寒天白日短簷下暖我軀四肢暫寬  
柔中腸鬱不舒多病減志氣爲客足憂虞況復  
時節晚覽物空踟躕

夜懷

窮居積遠念轉轉迷所歸幽蕙零落色暗螢參  
差飛病生秋風簟淚墮月明衣無愁坐寂寞重  
使奏清徽

奉和舍人叔直省時思琴

藹藹紫微直秋意深無窮滴瀝仙閣漏肅穆禁  
池風竹月汎涼影萱露澹幽叢地清物態勝宵  
閑琴思通時屬雅音際迥凝虛抱中達人掌樞  
近常與隱默同

野寺後池寄友

佛寺連野水池幽夏景清繁木蔭芙蓉時有水



禽鳴通溪岸，暫斷分渚流。復紫伴僧鐘，磬罷月  
來池。上明友人竟不至，東北見高城。獨遊自寂  
寞，況此恨盈盈。

寄別者

寒天正飛雪，行人心切切。同爲萬里客，中路忽  
離別。別君汾水東，想君汾水西。積雪無平岡，空  
山無人蹊。羸馬時倚轅，行行未遑食。下車勸僮  
僕，相顧莫歎息。詎知佳期隔離念，終無極。

病中寄白學士拾遺

秋亭病客眠，亭樹滿枝蟬。涼風繞砌起，斜影入

牀前。梨晚漸紅墜，菊寒無黃鮮。倦遊寂寞日，感  
歎蹉跎年。塵歡久消委，華念獨迎延。自寓城闕  
下，識君弟事焉。君爲天子識，我方沉病纏。無因  
會，同語悄悄中懷煎。

雨中寄元宗簡

秋堂羸病起，盥漱風雨朝。竹影冷踈澁，榆葉暗  
飄蕭。街徑多墜果，牆隅有蛻蜩。延瞻遊步阻，獨  
坐閑思饒。君居應如此，恨言相去遙。

岸花

可憐岸邊樹，紅蕊發青條。東風吹渡水，衝著木



蘭橈

惜花

春潭足芳樹水清不如素幽人愛華景一一空  
山暮月出潭氣白遊魚暗衝石夜深春思多酒  
醒山寂寂

別于鵠

離燈及晨輝行人起復思出門兩相顧青山路  
逶迤

野草

冪冪野田草草中牛羊道古墓無子孫白楊不

得老

秋山

秋山無雲復無風溪頭看月出深松草堂不閉  
石林靜葉間墜露聲重重

山禽

山禽毛如白練帶棲我庭前栗樹枝獼猴半夜  
來取栗一雙中林向月飛

祭退之

嗚呼吏部公其道誠巍昂生為大賢姿天使光  
我唐德義動鬼神鑒用不可詳獨得雄直氣發



為古文章學無不諳貫吏治得其方三次論諍  
退其志益剛強再使平山東不言謀所臧薦待  
皆寒羸但取其才良親朋有孤稚婚姻有辦營  
如彼天有斗人可為信常如彼歲有春物宜得  
華昌哀哉未申施中年遽殂喪朝野良共哀況  
於知舊腸籍在江湖間獨以道自將學詩為衆  
體久乃溢笈囊畧無相知人黯如霧中行北遊  
偶逢公盛語相稱明名因天下聞傳者入歌聲  
公領試士司首薦到上京一來遂登科不見苦  
貢場觀我性朴直乃言及平生由茲類朋黨骨

肉無以當坐令其子拜常呼幼時名追招不隔  
日繼踐公之堂出則連轡馳寢則對榻牀搜窮  
今古書事事相斟量有花必同尋有月必同望  
為文先見草釀熟皆共觴新果及異鮭無不相  
待嘗到今三十年曾不少異更公文為時師我  
亦有微聲而後之學者或号為韓張我官麟臺  
中公為大司成念此委末秩不能力自揚特狀  
為博士始獲升朝行未幾饗其資遂忝南宮郎  
是事賴拯扶如屋有棟梁去夏公請告養疾城  
南莊籍時官休罷兩月同游翔黃子陂岸曲地



曠氣色清新池四平漲中有蒲荇香北臺臨稻  
疇茂柳多陰涼板亭坐垂釣煩苦稍已平共愛  
池上佳聯句舒遐情偶有賈秀士來茲亦同并  
移船入南溪東西縱篙撐劃波激船舷前後飛  
鷗鷺迴入潭瀨下網截鯉與魴踏沙掇水蔬樹  
下烝新杭日來相與嬉不知暑日長柴翁攜童  
兒聚觀於岸傍月中登高灘星漢交垂芒釣車  
擲長線有獲齊歡驚夜闌乘馬歸衣上草露光  
公爲遊谿詩唱詠多慨慷自期此可老結社於  
其鄉籍受新官詔拜恩當入城公因同歸還居

處隔一坊中秋十六夜魄圓天差晴公既相邀  
留坐語於階楹乃出二侍女合彈琵琶箏臨風  
聽繁絲忽遽聞再更顧我數來過是夜涼難忘  
公疾浸日加孺人視藥湯來候不得宿出門每  
迴遑自是將重危車馬倏縱橫門僕皆逆遣獨  
我到寢房公有曠達識生死爲一網及當臨終  
晨意色亦不荒贈我珍重言傲然委衾裳公比  
欲爲書遺約有脩章令我署其末以爲後事程  
家人號於前其書不果成子符奉其言甚於親  
使令魯論未訖注手跡今微茫新亭成未登閉



在莊西廂書札與詩文重疊我筭盈頃息萬事  
盡腸情多摧傷舊塋盟津北野空動鼓鉦柳車  
一出門終天無迴箱籍貧無贈貲曷用申哀誠  
衣器陳下帳醪餌奠堂皇明靈庶鑒知髣髴斯  
來饗

張司業詩集卷第三

張司業詩集卷第四

五言上

六十九首

一 薊北旅思

日日望鄉國空歌白紵辭長因送人處憶得別  
家時失意還獨語多愁只一作自知客亭門外柳  
折盡向南枝

二 舊宮人

歌舞一作秦州女歸時白髮生全家沒蕃地何處  
問鄉程宮錦不傳樣御香空記名一身難自說  
愁逐路人行



四 春日留別

遊人欲別離醉復對花枝却看著春又晚莫輕年  
少時臨行記分處回首是相思各向天涯去重  
來未有期

五 沒蕃故人

前年伐月支城下沒全師蕃漢斷消息死生長  
別離無人收廢帳歸馬識殘旗欲祭疑君在天  
涯哭此時

六 江南春

江南楊柳春日暖地無塵渡口過新雨夜來生

白蘋晴沙鳴乳燕芳樹醉遊人向晚青山下誰  
家祭水神

七 西樓望月

城西樓上月復值一作是雪晴時寒夜共來望思鄉  
獨下遲幽光落水水塹淨色徧霜枝明日千里去  
此中還別離

八 別鶴

雙鶴出雲溪分飛各自迷空巢在松杪一作頂折羽  
落江泥尋水終不食逢林亦未棲別離應易老  
萬里兩悽悽



九 江陵孝女

孝女獨垂髮少年唯一身無家空託墓主祭不  
從人相弔有行客起廬因舊隣江頭聞哭處寂  
寂楚花春

十 山中古祠

春草空祠暮荒林唯鳥飛記年一作名碑石在經亂  
祭人稀野鼠緣珠帳陰塵蓋一作滿畫衣近門潭水  
裏時有宿龍歸

苗 不食姑

幾年山裏住已作綠毛身護氣常稀語存思自

見神養龜同不食留藥任生塵要問西王母仙  
中第幾人

五 古苑杏花

廢苑杏花在行人愁對一作到時獨開新塹底半露  
舊燒枝晚色連荒轍低陰覆折碑茫茫古陵下  
春盡又誰知

六 送流人

獨向長城北黃雲暗塞天流名屬蕃一作邊將舊業  
作公田擁雪添軍壘收冰當井泉知君住應老  
須記別鄉年



宿臨江驛

楚驛南渡口夜深來客稀  
月明見潮上江靜覺  
鷗飛旅宿今已遠此行猶未歸  
離家無信久又聽搗寒衣

送蠻客

借問炎州客天南幾日行  
江連惡溪路山繞夜  
郎城椰葉瘴雲濕桂叢蠻鳥聲  
知君却回日記得海花名

襄國別友

曉色荒城下相看秋草時  
獨遊無定計不欲道

來期別處去家遠愁中驅馬遲  
歸人渡煙水遙認野棠枝

送遠客

南原相送處秋草水邊生  
同作憶鄉客如今分  
路行因誰寄歸信漸遠問前程  
明日重陽節無人上古城

山中贈日南僧

獨向雙峯老松門閉兩涯  
翻經依具一作葉掛衲  
向藤花瓚石新開井穿林  
自種茶時逢海南客  
蠻語問誰家



征西將

黃沙北風起半夜又翻營戰馬雪中宿探人冰  
上行深山旗未展陰磧鼓無聲幾道征西將同  
收碎葉城

寄友人

憶在江南日同遊三月時採茶尋遠澗鬪鴨向  
春池送客沙頭宿招僧竹裏棋如今各千里無  
計得相隨

送防秋將

白首征西將猶能射戟支元戎選部曲軍吏換

旌旗逐虜招降遠開邊舊壘移重收隴外地應  
似漢家時

律僧

苦行長不出清羸最少年持齋唯一食講律豈  
曾眠避草每移徑濾蟲還入泉從來天竺法到  
此幾人傳

送新羅使

萬里為朝使離家今幾年應知舊行路却上遠  
歸船夜宿避蛟室朝炊求島泉悠悠到鄉國還  
望海西天



宿廣德寺寄從舅

古寺客堂空開簷四面風移牀動棲鴿一作鶴停燭  
聚飛蟲閑卧逐涼處遠愁生靜中林西微月色

思與甯家同

宿邨鄂州友人寄磁州友人

孤客到空館夜寒愁卧遲雖沾主人酒不似在  
家時幾宿得歡笑如今成別離明朝行更遠回  
望隔山陂

送閑師歸江南

徧住江南寺隨緣到上京多生脩律業外學得

詩名講殿偏追入齋家別請行青楓鄉路遠幾  
日盡歸程

過賈島野居

青門坊外住行坐見南山此地去人遠知君終  
日閑蛙聲籬落外草色戶庭閒好是經過處唯  
愁暮獨還

酬韓庶子

西街幽僻處正與懶相宜尋寺獨行遠借書常  
送遲家貧無易事身病足閑時寂寞誰相問祇  
應君子知



答姚合少府

病來辭赤縣案上有丹經為客燒茶竈教兒掃  
竹亭詩成添舊卷酒盡卧空甍闕下今遺逸誰  
占隱士星

送僧遊五臺兼謁李司空

遠去見雙節因行上五臺化樓侵曉出雪路向  
春開邊寺連烽去胡兒聽法來定知巡禮後解  
夏始應回

送鄭秀才歸寧

桂檝綵為衣行當今節歸夜潮迷浦遠晝雨見

人稀野艾到時熟江鷗泊處飛離琴一奏罷山

水一作雨霽餘暉

送李評事遊越

未習風塵事初為吳越遊露霑湖草晚日照海  
山秋梅市門何在蘭亭水尚流西陵待潮處知  
汝不勝愁

夏日閑居

無事門多閉偏知夏日長早蟬聲寂寞新竹氣  
清涼閑對臨書案看移晒藥牀自憐歸未得猶  
寄在班行



七十五 夏日閑居

多病逢迎少閑居又一年藥看成日合茶過卯  
時煎草長晴來地蟲飛晚後天此時幽步遠不  
覺到山邊

七十六 晚秋閑居

獨坐高秋晚蕭條足遠思家貧常媿客身老轉  
憐兒萬種盡閑事一生能幾時從來踈懶性應  
只有僧知

七十七 和陸司業習靜寄所知

幽室獨焚香清晨下未央山開登竹閣僧到出

茶牀收拾新琴譜封題舊藥方逍遙無別事不  
似在班行

七十八 酬韓祭酒雨中見寄

雨中愁不出陰黑晝連宵屋濕唯添病泥深未  
放朝無芻憐馬瘦少食信兒嬌聞道韓夫子還  
同此寂寥

七十九 和裴僕射移官言志

久在勤勞地常思放曠時功成歸聖主位重委  
羣司看壘臺邊石行吟篋裏詩蒼生正瞻望難  
與故人期



三 和裴僕射朝迴寄韓吏部

獨愛南園裏山晴竹杪風從容朝早退蕭洒客  
常通按曲新亭上移花遠寺中唯應有吏部詩  
酒每相同

分 酬白二十二舍人早春曲江相招

曲江冰欲盡風日已恬和柳色看猶淺泉聲覺  
漸多紫蒲生濕岸青鴨戲新波仙掖高情客相  
招共一過

三 和李僕射秋日病中作

由來病源一作根淺易見藥功程曉日杵臼靜涼風

衣服輕猶疑少氣力漸覺有心情獨倚紅藤杖  
時時階上行

三 贈太常王建藤杖筍鞋

蠻藤翦為杖楚筍結成鞋稱與詩人用堪隨禮  
寺齋尋花入幽徑步月下寒階以此持相贈君  
應愜素懷

五 和周贊善聞子規

秦城啼楚鳥遠思更紛紛況是街西夜偏當雨  
裏聞應投最高樹似隔數重雲此處誰能聽遙  
知獨有君



九十五 送李騎曹靈州歸覲

翩翩出上京，幾日到邊城。  
漸過風沙處，還將弓箭  
前行。席箕侵路暗，野馬見人驚。  
軍府知歸慶，應教數騎迎。

李六 寒食夜寄姚侍御

貧官多寂寞，不異野人居。  
作酒和山藥，教兒寫道書。  
五湖歸去遠，百事病來踈。  
況憶同懷客，寒庭月上初。

四十三 古樹

古樹枝柯少，枯來復幾春。  
露根堪繫馬，空腹恐

藏人蠹節，莓苔老燒痕。  
霹靂新若當，江浦上行客。  
祭爲神。

四十四 送徐先生歸蜀

日暮遠歸處，雲間仙觀鐘。  
唯持青玉牒，獨上碧雞峯。  
陰洞長收乳，寒潭舊養龍。  
幾時因賣藥，得向海邊逢。

四十五 隱者

先生已得道，市井亦容身。  
救病自行藥，得錢多與人。  
問年長不定，傳法又非真。  
常見隣家說，時聞使鬼神。



四六 送友人歸山

出山成白首重去結茅廬移石脩廢井掃龕盛  
舊書開田留杏樹分洞與僧居長在幽峯裏樵  
人見亦踈

哭山中友人

入雲遙便哭山友隔今生繞墓招魂魄鐫巖記  
姓名犬因無主善鶴為見人鳴長說能尸解多  
應別路行

老將

鬚衰頭似雪行步急如風不怕騎生馬猶能挽

硬弓兵書封錦字手詔滿香筒今日身憔悴猶  
誇定遠功

漁陽將

塞深沙草白都護領燕兵放火燒奚帳分旗築  
漢城下營看嶺勢尋雪覺人行更向桑乾北擒  
生問磧名

贈同溪客

幽居得相近煙景亦寥寥共伐臨溪樹同為過  
水橋自教青鶴舞分採紫芝苗更愛南峯住尋  
君恐路遙



七 秋閨

秋風窻下起旅鴈一作南飛日日出門望家家  
行客歸無因見邊使空待寄寒衣獨閉青樓暮  
煙深鳥雀稀

十二 聽夜泉

細泉深處落夜久漸聞聲獨起出門聽欲尋當  
澗行還疑隔林遠復畏有風生月下長來立無  
人亦到明

十三 送南遷客

去去遠遷客瘴中衰病身青山無限路白首不

歸人海國戰騎象蠻州市用銀一家分幾處誰  
見日南春

十四 薊北春懷

渺渺水雲外別來音信稀因逢過江使却寄在  
家衣問路更愁遠逢人空說歸今朝薊城北又  
見塞鴻飛

十五 思遠人

野橋春水清橋上送君行去去人應老年年草  
自生出門看遠道無信向邊城楊柳別離處秋  
蟬今復鳴



六 送宮人入道

舊寵昭陽裏尋仙此最稀  
名初出宮籍身未稱  
霞衣已別歌舞貴長隨鸞鶴飛  
中官看入洞空駕玉輪歸

九 送越客

見說孤帆去東南到會稽  
春雲剡溪口殘月鏡湖西  
水鶴沙邊立山廳竹裏啼  
謝家曾住處煙洞入應迷

十 贈辟穀者

學得飡霞法逢人贈小還  
身輕曾試鶴力弱未

離山無食犬猶在不耕牛  
自閑朝朝空漱水叩齒草堂間

十一 思江南舊遊

江臯三月時花發石楠一作榴枝  
歸客應無數春山自不知  
獨行愁道遠回信畏家移  
楊柳東西渡茫茫欲問誰

十二 夜到漁家

漁家在江口潮水入柴扉  
行客欲投宿主人猶未歸  
竹深村路遠月出釣船稀  
遙見尋沙岸春風動草衣



廿三 送邊使

揚旌過隴頭隴水向西流塞路依山遠戍城逢  
雨秋一作寒沙陰漫漫瘦一作馬去悠悠為問征行  
將誰封定遠侯

廿三 春日病中

羸病及年初心情不自如多申請假牒只送賀  
官書幽徑獨行步白頭長懶梳更憐晴日色漸  
漸暖貧居

廿四 送嚴大夫之桂州

旌旆過湘潭幽竒得徧探莎城百越北竹路九

疑南有地多生桂無時不養蠶聽歌難辨曲風  
俗自相諳

廿五 詠懷

老去多悲事非唯見二毛眼昏書字大耳重語  
聲高望月偏增思尋山易覺勞勞都無作官意賴  
得在閑曹

廿六 使至藍溪驛寄太常王丞

獨上七盤去峯巒轉轉稠雲中迷象鼻雨裏上  
箏頭水沒荒橋路鴉啼古驛樓君今在城闕肯  
見此中愁



留別江陵王少尹

迢迢山上路病客獨行遲況此分襟日當君失意時寒林露遠驛晚燒獵一作過荒陂別後空回首相逢亦未一作有期一作未

雪溪西亭晚望

雪水碧悠悠西亭柳岸頭夕陰生遠岫斜照逐迴流此地動歸思逢人方倦遊吳興耆舊盡空見白蘋洲

張司業詩集卷第四

張司業詩集卷第五

五言下 五十九首

春日李舍人宅見西省諸公唱和因書情即事

又見帝城裏東風天氣和官閑人事少年長道情多紫掖發章句青闈更一作詠歌誰知幽寂處終日斷經過

山中春夜

寂寂春山靜幽人歸卧遲橫琴當月下壓酒及花時冷露濕茅屋暗泉通一作衝竹籬西峯採芝一作藥



伴此夕恨無期

送南客

竹路雨脩脩青山盡海頭天涯人去老嶺北水  
回一作空流夜市連銅柱巢居獨象州來時舊相識  
誰問一作向日南遊

宿江店

野路臨西浦門前有橘花停燈待買客賣酒與  
漁家夜靜江水白路迴山月斜閑尋泊船處潮  
落見平沙

嶺外逢故人

過嶺萬餘里旅遊經此稀相逢去家遠共說幾  
時歸海上見花發瘴中聞鳥飛炎州望鄉伴自  
識北人衣

出塞

秋塞雪初下將軍遠出師分營長記火放馬不  
收旗月冷邊帳黑沙昏夜探遲征人皆白首誰  
見滅胡時

寄紫閣隱者

紫閣氣沉沉先生住處深有人時得見無路可  
相尋夜鹿投一作伴茅屋秋猿守栗林唯應採靈藥



更不別營心

四三 宿黑竈溪

夜到碧溪裏無人秋月明逢幽便東移宿取伴亦  
探行花下紅泉色雲西乳鶴聲明朝記歸處石  
上自書名

四九 答僧拄杖

靈藤爲柱杖白淨色如銀得自高僧手將扶病  
客身春遊不騎馬夜會亦呈人持此歸山去深  
宜戴角巾

五 送海客歸舊島

海上去應遠蠻家雲島孤竹船來桂府山市賣  
魚鬚入國自獻寶逢人多贈珠却歸春洞口斬  
象祭天吳

五 靈都觀李道士

仙觀雨來靜繞房瓊草春素書天上字花洞古  
時人泥竈煮靈液掃壇朝玉真幾迴遊閬苑青  
節自隨身

五三 送韋評事歸華陰

三峯西面住出見世人稀老大誰相識悽惶又  
獨歸掃窻秋菌落開篋蟄蛾飛若訪雲中伴還



應著褐衣

五十三 送閩僧

幾夏京城住今朝獨遠歸脩行四分律護淨七  
條衣溪寺黃橙熟沙田紫芋肥九龍潭上路同  
去客應稀

五十四

登感化寺樓

一作登咸陽北寺樓

高秋原上寺下馬一登臨渭水西來直秦山南  
去深舊宮人不仕荒碣路難尋日暮涼風起蕭  
條多遠心

五十五

遊襄陽山寺

秋色江邊路煙霞若有期寺貧無施利僧老足  
慈悲薜荔侵禪室蝦蟇占浴池閑遊殊未遍即  
是下山時

五十六

登城寄王建

聞君鶴嶺住西望日依依遠客偏相憶登城獨  
不歸十年為道侶幾處共柴扉今日煙霞外人  
間得見稀

五十七

送從弟戴玄往蘇州

楊柳閭門路悠悠水岸斜乘舟向山寺著屐到  
漁家夜月紅柑樹秋風白藕花江天詩景好迴



日莫今賒

七十一 送朱餘慶歸越

東南歸路遠幾日到鄉中有寺山皆徧無家水  
不通湖聲蓮葉雨野氣稻苗風州縣知名久爭  
邀與客同

七十二 閑居

東城南陌塵紫幘與朱輪盡說無多事能閑有  
幾人唯教推甲子不信有庚申誰見衡門裏終  
朝自在身

七十三 寄昭應王丞

借得街西宅開門渭水頭長貧唯要健漸老不  
禁愁獨凭藤書案空懸竹酒鉤春風石邊寺作  
意共君遊

七十四 酬孫洛陽革

家貧相遠住學館入時稀獨坐看書卷閑行著  
褐衣早蟬庭筍老新雨徑莎肥各離爭名地無  
人見是非

七十五 送人任濟陰

黃綬在霄下知君非旅行將書報舊里留褐與  
諸生贈別盡沽酒惜歡多出城春風濟水上候



吏聽來一作車聲

七古 晚春過崔駙馬宅東園

閑園多好風不意在街東  
早早詩聲一作名遠長長  
酒性同竹香新雨後鶯語  
落花中莫遣經過少年光  
漸覺空

九古 送安西將

萬里海西路茫茫邊草秋  
計程沙塞口望伴驛  
峯頭雪暗非時宿沙深  
獨去愁憶一作塞鄉人易老  
莫住近蕃州

八古 題李山人幽居

襄陽南郭外茅屋一書生  
無事焚香坐有時尋  
竹行畫苔藤杖細躡石筍  
鞋輕應笑風塵客區  
區逐世名

九古 早春閑遊

年長身多病偏宜作冷官  
從來閑坐慣漸覺出  
門難樹影新猶薄池光晚  
向寒遙聞有花發騎  
馬暫行看

九古 題清徹上人院

古寺臨壇久松間別起堂  
看添浴佛水自合讀  
經香愛養無家客多傳得  
力方過齋長不出坐



倚一繩牀

五十八 舟行寄李湖州

客愁無次第川路重辛勤藻密行舟澁灣多轉  
檝頻薄遊空感命一作惠失計自憐貧賴誦汀洲句  
時時慰遠人

送安法師

出郭見落日別君臨古津遠程無野寺宿處問  
何人原色不分路錫聲遙隔塵山陰到家節猶  
及蕙蘭春

六 贈海東僧

別家行萬里自說過扶餘學得中州語能爲外  
國書與醫收海藻持呪取龍魚更問同來伴天  
台幾夏居

六 寄漢陽故人

知君漢陽住煙樹遠重重歸使雨中發寄書燈  
下封同年買江鳥時今日隔雲松欲問新移處青  
蘿最北峰

六 和裴司空即事通簡舊僚

肅肅上台座四方皆仰風當朝奉明政早日立  
元功獨對赤墀下密宣黃閣中猶聞動高韻思



與舊僚同

寄靈一上人初歸雲門寺

寒山白雲裏法侶自招攜竹徑通城下松門隔  
水西方同沃洲去不作武陵迷髮髯遙看處秋  
風是會稽

九  
使迴留別襄陽李司空

江亭寒日晚絃管有離聲從此一筵別獨爲千  
里行遲遲戀恩德役役限回程回首吟新句霜  
雲滿楚城

百  
和戶部令狐尚書喜裴司空見招看雪

南園新覆雪上宰曉來看誰共登春榭唯聞有  
地官色連山遠淨氣與竹偏寒高韻更相應寧  
同歌吹歡

百  
和裴司空以詩請刑部白侍郎雙鶴

皎皎仙山鶴遠留閑宅中徘徊幽榭月嘹唳小  
亭風丞相西園好池塘野水通欲將求放此賞  
望與賓同

百  
同綿州胡郎中清明日對雨西亭宴

郡內新開火高齋雨氣清惜花邀客賞勸酒促  
歌聲共醉移芳席留歡閉暮城政閑方宴語琴



筑任遙情

莊陵挽歌 三首 敬宗

白日已昭昭干戈亦漸銷迎師親問道從諫早  
臨朝仗偉威權薄忠良寵賜饒丘陵今一變無  
復白雲謠

觀風欲巡洛習戰亦開池始改三年政旋聞七  
月期陵分內外使官具吉凶儀渭北新園路簫  
笳遠更悲

曉月龍車動秋風闐闐開行帷六宮出執紼萬  
方來慘慘郊原暮遲遲挽唱哀空山煙雨夕新

栢繞陵臺

和左司元郎中秋居 十首

選得閑坊住秋來草樹肥風前卷筒簟雨裏脫  
生衣野客留方去山童收藥歸非因入朝省過  
此出門稀

有地唯栽竹無池亦養鷺學書求墨蹟釀酒愛  
乾和古鏡銘文淺神方謎語多居貧閑自樂豪  
客莫相過

閑來松菊地未省有埃塵直去多將稟朝回不  
訪人見僧收酒器迎客換紗巾更恐登清要難



成自在身

自知清淨好其四不要問時豪就石安琴枕穿松壓其四  
酒槽山情因月甚詩語入秋高身外無餘事唯

應筆硯勞

閑堂新掃洒其三稱是早秋天書客多呈帖琴僧與

合絃莎臺乘晚上竹院就涼眠終日無忙事還

應似得仙

醉倚斑藤杖其五閑眠瘦木牀案頭行氣訣爐內降

真香尚儉經營少居閑意思長秋茶莫夜飲新

自作松漿

履

每憶舊山居新教上墨圖晚花迴地種好酒問

人沽夜後看朝簿申前發省符為郎其六凡幾歲已

見白鬚鬚

菊地纔通屐其七茶房不壘階馮憑醫看蜀藥寄信覓

吳鞋盡得仙家法多隨道客齋本無榮辱其八慮不

是學安排

林下無拘束閑吟放性靈好時開藥竈高處置

琴亭更撰居山記唯尋相鶴經初當授衣假無

吏挽門鈴

客散高齋晚東園景象偏清明猶有蝶涼冷漸



無蟬藤拆霜來子蝸行雨後涎新詩纔上卷已  
是滿城傳

百十三 和李僕射雨中寄盧嚴二給事

郊原飛雨至城闕濕雲埋迸點時穿牖浮漚欲  
上階偏滋解籜竹併灑落花槐晚潤生琴匣新  
涼滿藥齋從容朝務退放曠掖曹乖盡日無來  
客閑吟感所懷

百十三 酬李僕射晚春見示

戟戶洞一作動初晨鶯聲雨後頻虛庭清氣在衆藥  
濕光新魚動芳池面苔侵老竹身教鋪嘗酒處

自問探花人獨此長多病幽居欲過春今朝聽

高韻忽覺離一作在埃塵

百十四 和盧常侍寄華山鄭隱者

獨憶三峯下年深學鍊丹一間松葉屋數片石  
花冠酒待山中飲琴將洞裏彈開門移遠竹翦  
草出幽蘭荒壁通泉架晴崖曬藥壇寄知騎省  
客長向白雲看

百十五 和令狐尚書平泉東莊近屬李僕射有

平地有清泉伊南古寺邊漲池開繞屋出野徧



澆田舊隱離多日新隣得幾年探幽皆一絕選  
勝又雙全門靜山光別園深竹影連斜分採藥  
徑直過釣魚船雞犬應還識雲霞頓覺鮮追思  
應不遠賞愛諒難偏此處堪長往遊人早共傳  
各當恩重寄歸卧恐無緣

重九送鄭尚書出鎮南海

遠鎮承新命王程不假催班行爭路送恩賜併  
時來牙旆從城展兵符到府開蠻聲喧夜市海  
色潤朝臺畫角天邊月寒關嶺上梅共知公望  
重多是隔年迴

重九徐州試反舌無聲

夏木多好鳥偏知反舌名林幽仍共宿時過即  
無聲竹外天空曉溪頭雨自晴居人宜寂寞深  
院益淒清入霧暗相失當風閑易驚明年上林  
苑知爾最先鳴

重九省試行不由徑

田裏有微徑賢人不復行孰知求捷步又恐異  
端生從易終多欲安難患亦平誰能達天道共  
此竟前程子羽有遺訓孔門傳舊聲今逢大君  
子士節自應明



百九新成甲仗樓

謝守起新樓西臨城上頭  
圖功百尺麗藏器五  
兵脩結構棖豐固虛明  
戶檻周魚龍卷旗幟霜  
雪積戈矛暑雨歎蒸隔  
涼風宴位留地高形遠  
出山靜氣清幽睥睨斜  
光徹欄杆宿靄浮芊芊  
秔稻色脉脉宛溪流郡  
化黃丞相詩情沈隱侯  
居茲良得意殊勝峴山遊

百十贈殷山人

鬱鬱山中客知名四十年  
悽惶身獨隱寂寞性  
應便世業公侯族生涯  
黍稷田藤懸讀書帳竹

繫網魚船已種千頭橘  
新開數脉泉閑遊攜酒  
遠幽語向僧偏入洞  
題松過看花選石眠避  
喧長汨沒逢勝即留連  
自古多高跡如君少比  
肩耕耘此辛苦章句已  
流傳昔日交遊盛當時  
省閣賢同袍還共弊連  
轡每推先講序居重席  
羣儒願執鞭滿堂虛左  
待衆目望喬遷才異時  
難用情幽道自全畏人  
頻慘澹踈物勢迥邐達  
者聞知命吾生貴又玄  
深藏報恩劍久緝養生  
篇憔悴衆夫笑經過郡  
守憐夕陽悲病鶴霜氣  
動飢鷗處士誰能薦窮  
途世所捐伯鸞甘寄食  
元



叔苦無錢策蹇秋塵裏吟詩黃葉前故囊餘白  
領廢瑟斷朱絃志氣終猶在逍遙任自然家貧  
念婚嫁身老戀雲煙放逸棲巖鹿清虛飲露蟬  
鄭逃秦谷口嚴愛越溪邊霄漢余猶阻榮枯子  
不牽山城曾一過感激意難宣

張司業詩集卷第五

張司業詩集卷第六

七言 七十六首

言早寒食內宴 二首

朝光瑞氣滿宮樓綵毒縣魚龍四面稠廊下御厨  
分冷食殿前飛騎逐香球千官盡醉猶教坐百  
戲皆呈未放休共起 一作喜 拜恩侵夜出金吾不敢

問來 一作由

城闕沉沉向曉寒恩當冷節賜餘歡瑞煙深處  
開三殿香雨微時引百官寶樹樓前分繡幕綵  
花廊下映朱欄宮筵戲樂年年別已得三回對



御看

言孝朝日賜櫻桃

仙果人間都未有今朝忽見下天門捧盤小吏  
初宣勅當殿羣臣共拜恩日色遙分廊下坐露  
香纔出禁中園每年從此長先熟願得千春奉  
至尊

言望拜豐陵  
順宗陵

歲朝園寢遣公卿學省班中亦攝行身逐陵官  
齊再拜手持木鐸叩三聲寒更報點來山殿曉  
炬分行照栢城却下龍門看漸遠金峯高處日

微明

言望二贈孔尚書

能將直道歷榮班事著元和實錄間三表自陳  
辭北闕一家相送入南山買來侍女教人嫁賜  
得朝衣在篋閑宅近青門高靜處時歸林下暫  
開關

言望賀秘書王丞南郊攝將軍

正初天子親郊禮詔攝將軍領衛兵斜帶銀刀  
入黃道先隨玉輅到青城壇邊不在千官位仗  
下唯聞再拜聲共喜與君逢此日病中無計得



隨行

二百五十一 送令狐尚書東都留守

朝廷重寄在關東共說從前選上公勲業新成  
大梁鎮恩榮更守洛陽宮行香暫出天橋上巡  
禮常過禁殿中每領羣官拜章慶半開門仗日  
瞳瞳

二百五十二 贈閻少保

辭榮戀闕未還鄉脩養多年氣力強半俸將燒  
伏火藥全家解說養生方特承恩詔新開戟每  
見公卿不下牀竹樹青深寒院靜長懸石磬在

虛廊

二百五十三 田司空入朝

西來將相望兼雄不與諸軍覲禮同早變山東  
知順命新收濟上立殊功朝官序謁趨門外恩  
使宣迎滿路中閶闔曉開銅漏靜身當受冊大  
明宮

二百五十四 送鄭尚書赴廣州

聖朝選將持符節內制宣時百辟聽海外蠻夷  
來蹈舞嶺南封管送圖經白鷗飛繞迎官舫紅  
槿開當宴客亭此處莫言多瘴癘天邊看取老



人星

言四八 送和蕃公主

塞上如今無戰塵漢家公主出和親  
邑司猶屬宗卿寺冊号還同虜帳人  
九姓旗幡先引路一生衣服盡隨身  
羶城南望無迴日空見沙蓬水柳春

言五十一 太白老人

日觀東南幽客住竹中藤帶亦逢迎  
暗脩黃籙無人見深種胡麻共犬行  
洞裏仙家常獨到壺中靈藥自為名  
春泉四面繞茅屋日日唯聞杵

白聲

言五十二 寄虔州韓使君

南康太守負才豪五十如今未擁旄  
早得一人知姓字常聞三事說功勞  
月明渡口章江靜雲散城頭贛石高  
郡政已成秋思遠閑吟應不問官曹

言五十三 和裴司空酬蒲城楊少府

聖朝偏重大司空人詠元和第一功  
擁節高臨襄水上題詩還入漢城中  
共驚向老多年別更憶登科舊日同  
誰不望歸丞相府江邊楊柳又



秋風

二首之二 送從弟濛赴饒州

京城南去鄱陽遠風月悠悠別思勞  
三領郡符新寄重再登科第舊名高  
去程江上多看堆迎吏船中亦帶刀  
到日便行清靜化春田應不見蓬蒿

二首之三 寄和州劉使君

別離已久猶為郡閑向春風倒酒鉗  
送客時過沙口店看花多上水心亭  
曉來江氣連城白晴後山光滿眼青  
到此詩情應更遠醉中高詠有

誰聽

二首之四 胡山人歸王屋因有贈

轉轉無成到白頭人間舉眼盡堪愁  
此生已是蹉跎去每事應從鹵莽休  
雖作閑官少拘束難逢勝景可淹留  
君歸與訪移家處若箇峯前最校幽

二首之五 送汀州源使君

曾城趙北歸朝計因拜王門最好官  
為郡暫辭雙鳳闕全家遠過九龍灘  
山鄉只有輸蕉戶水鎮應多養鴨欄  
地僻尋常來客少刺桐花發共



誰看

寄洛陽孫明府

久持刑憲聲名遠好是中朝正直臣赤縣上來  
應足事青衫老去未離身長思從省連歸馬乍  
覺同班少舊人遙愛南橋秋日晚兩邊楊柳蘸  
天津

送浙西周判官

由來自是煙霞客早已聞名詩酒間天闕因持  
賀章到江城新著賜衣還常吟卷裏相酬句自  
話湖邊舊住山吳越主人偏愛重多應不肯放

君閑

送胡鍊師歸玉屋

玉陽峯下學長生洞府仙鄉已有名獨戴熊羆  
冠暫出唯將鶴尾扇同行鍊成雲母休炊爨召  
得雷公當吏兵却到天壇上頭宿應聞空裏步  
虛聲

送邵州林使君

詞客南行寵命新瀟湘郡入曲江津山幽自足  
探微處俗朴應無爭訟人郭外相連排殿閣市  
中多半用金銀知君不作私家計遷日還如到



日貧

言五寄贈商州王使君

銜命南來會郡堂却思朝裏接班行才雄猶是  
山城守道薄初為水部郎選勝相留開客館尋  
幽更引到僧房明朝從此辭君去獨出商關路  
漸長

言五寄今狐賓客

勲名盡得國東一作家傳退狎琴僧與酒仙還帶郡  
符經幾處暫離台座已三年留司未到龍樓下  
拜表長懷玉案前秋日出城伊水好領誰相逐

上閑船

言五寄梅處士

擾擾人間是與非官閑自覺省心機六行班裏  
身常下九列符中事且稀市客慣曾賒賤藥兒  
童驚見著新衣君今獨得居山樂應笑多時未  
辦歸

言五送施肩吾東歸

知君本是煙霞客被薦因來城闕間世業偏臨  
七里瀨仙遊多在四明山早聞詩句傳人徧新  
得科名到處閑惆悵灞亭相送去雲中琪樹不



同攀

言采崑崙兒

崑崙家在海中洲蠻客將來漢地遊言語閑教  
秦吉了波濤初辨鬱林州金環欲落曾穿耳螺  
髻長拳不裹頭自愛肌膚黑如漆行時半脫木  
綿裘

言采贈李杭州

仙郎白首未歸朝應爲蒼生領六條惠化州人  
盡清靜高情野鶴與逍遙竹間虛館無朝訟山  
畔青田長夏苗終日政聲長獨坐開門唯望浙

江湖

言采酬杭州白使君兼寄浙東元大夫

相印暫辭臨遠鎮掖垣出守復同時一行已作  
三年別兩處空傳七字詩越地江山應共見秦  
天風月不相知人間聚散真難料莫歎平生信  
所之

言采寄蘇州白使君

三朝出入紫微臣頭白金章未在身登第早年  
同座主題書今日是州民間門柳色煙中遠茂  
苑鶯聲雨後新此處吟詩向山寺知君忘却曲



江春

言字五

酬浙東元尚書見寄綾素

越地繒紗紋樣新  
遠封來寄學曹人  
便令裁製為時服  
頓覺光榮上病身  
應念此官同棄置  
獨能相賀更殷勤  
三千里外無由見  
海上東風又一春

言字六

送白賓客分司東都

赫赫聲名三十春  
高情今獨出埃塵  
病辭省闈歸閑處  
恩許官曹作上賓  
詩裏難逢相得伴  
酒邊多見自由身  
老夫也擬休官去  
便是君家池

上人

贈別王侍御赴任陝州司馬

言字七

贈王司馬赴陝州

京城在處閑人少  
唯共君行並馬蹄  
更和詩篇名最出  
對傾盃酒戶常齊  
同趨闕下聽銅漏  
獨向軍前聞鼓鼙  
今日春明門外別  
更無因得到街西

言字八

同將作韋少監贈水部李郎中

舊年同是北曹郎  
各罷魚符自楚鄉  
重著青衫承詔命  
齊趨紫殿異班行  
別來共說經過事  
老去相傳補養方  
憶得當時亦連步  
如今獨在講



書堂

寄王六侍御

漸覺近來筋力少難堪今日在風塵誰能借問  
功名事祇自扶持老病身貴得藥資將助道肯  
嫌家計不如人洞庭已置新居宅歸去期君與  
作隣

送稽亭山僧

師住稽亭高處寺斜廊曲閣倚雲開山門十里  
松間入泉澗三重洞裏來名岳尋遊今已徧家  
城禮謁便應迴舊房到日閑吟後林下還登說

法臺

贈項斯

端坐吟詩忘忍饑萬人中覓似君稀門連野水  
風長到驢放秋原夜不歸日暖剝收新落葉天  
寒更著舊生衣曲江亭上頻頻見為愛鷓鴣雨  
裏飛

寄陸渾趙明府

與君學省同官處常日相隨說道情新得陸渾  
山縣長早知三禮甲科名郭中時有仙人住城  
上應多藥草生公事稀踈來客少無妨著屐獨



閑行

二百三贈道士

城裏無人得實年衣襟常帶臭黃煙樓中賒酒  
唯留藥洞裏爭棋不賭錢聞客語聲知貴賤對  
花歌詠似狂顛尋常行處皆逢見世上多疑是  
謫仙

二百一送裴相公鎮太原

盛德雄名遠近知功高先乞守藩維銜恩暫遣  
分龍節署勅還同在鳳池天子親臨樓上送朝  
官齊出道邊辭明年塞北諸蕃落應起生祠請

立碑

二百二送李司空鎮襄陽

中外兼權社稷臣千官齊出拜行塵再調公鼎  
勲庸盛三受兵符寵命新商路雪明旗旆遠楚  
堤梅發驛亭春襄陽風景由來好重與江山作  
主人

二百三送李僕射赴鎮鳳翔

由來勲業屬英雄兄弟連營列位同先入賊巢  
擒惡首盡封官庫讓元功旌幢獨繼家聲外竹  
帛新添國史中天子欲收秦隴地故教移鎮右



扶風

言西寄白二十二舍人

早知內詔過前輩，蹭蹬江南百事疎。  
湓浦城中爲上佐，爐峯寺後著幽居。  
偏依仙法常求藥，長共僧遊不讀書。  
三省此來名望重，肯容君去樂樵漁。

言五寄元負外

外郎直罷無餘事，掃洒書堂對藥爐。  
門巷不教當要鬧，詩篇轉覺足功夫。  
月明臺上唯僧到，夜靜坊中有酒沽。  
朝省入頻閑日少，可能同作舊

遊無

言六贈梅處士

早聞聲價滿京城，頭白江湖放曠情。  
講易自傳新註義，題詩不著舊官名。  
近移馬迹山前，往多向牛頭寺裏行。  
天子如今議封禪，應將萊帛請先生。

言七贈王秘書

不曾浪出謁公侯，唯向花間水畔遊。  
每著新衣看藥竈，多收古器在書樓。  
有官祇作山人老，平地能開洞穴幽。  
自領閑司無別事，得來君處喜



相留

二百八 謝裴司空寄馬

騷耳新駒駿得名司空遠自寄書生乍離華廐  
移蹄澁初到貧家舉眼驚每被閑人來借問多  
尋古寺獨騎行長思歲旦沙堤上得從鳴珂傍  
火城

二百九 酬秘書王丞見寄

相看頭白來城闕却憶漳溪舊往還今體詩中  
偏出格常參官裏每同班街西借宅常臨水馬  
上逢人亦說山芸閣水曹雖最冷與君長喜得

身閑

二百十 送李餘及弟後歸蜀

十年人詠好詩章今日成名出舉場歸去唯將  
新誥牒後來爭取舊衣裳山橋曉上蕉花暗水  
店晴看芋葉黃鄉里親情相見日一時攜酒賀  
高堂

二百十一 早朝寄白舍人嚴郎中

鼓聲初動未聞雞羸馬街中躡凍泥燭暗有時  
衝石柱雪深無處認沙隄常參班裏人猶少待  
漏房前月欲西鳳閣星郎雖去遠閣門開日入



還齊

二百廿二 書懷寄元郎中

轉覺人間無氣味常思身外省因緣經過獨愛  
遊山客計校唯求買藥錢重作學官閑盡日一  
離江塢病多年吟君釣客詞中語便欲南歸榜  
小船

二百廿三 贈道士宜師

自到王城得幾年巴童蜀馬共隨緣兩朝侍從  
當時貴見五字詩名遠處傳舊因住紅樓通內院新  
承墨詔賜齋錢閑坊暫喜居相近還得陪師坐

竹邊

二百廿四 書懷寄王秘書

白髮如今欲滿頭從來百事盡應休祇於觸目  
須防病不擬將心更養愁下藥遠求新熟酒看  
山多上最高樓賴君同在京城住每到花前免  
獨遊

二百廿五 題韋郎中新亭

記得幽亭景復最新碧莎池上更無塵琴書著看盡  
猶嫌少松竹栽多不稱貧藥酒欲開期好客朝  
衣暫脫見閑身成名同日官運署此處經過有



幾人

二百廿六 送楊判官

舊得煙霞出俗心茅山道士共追尋  
閑憐鶴貌偏能畫暗辨桐聲  
自作琴長嘯每來松下坐新  
詩堪向雪中吟征南幕裏多賓客  
君獨相知最校深

二百廿七 喜王起侍郎放榜

東風時節近清明車馬爭來滿禁城  
二十八人初上牒百千萬里盡傳名  
誰家不借花園看處處多將酒器行  
共賀春司能鑒識今年定合有

公卿

二百廿八 贈王司馬

白笏朱衫年少時久登班位會朝儀  
貯財不省關身用行義唯愁被衆知  
藏得寶刀求主帶調成駿馬乞人騎  
未曾相識多聞說遙望長如玉樹枝

二百廿九 書懷

自小信成踈懶性人間是事揔無功  
別從仙客求方法時到僧房問苦空  
老大登朝如夢裏貧窮作活似村中  
未能即便休官去慙愧南山採



藥翁

二首

贈今狐博士 贈今狐源博士

頭白新年六十餘近聞生計轉空虛久為博士  
誰人識自到長安賃舍居騎馬出隨遊寺客呼  
兒散寫乞錢書古來賢哲皆如此應是才高與  
世疎

二首 送從弟彤東歸

雲水東南兩月程貪歸慶節馬蹄輕春橋欲醉  
攀花別野路閑吟觸雨行詩價已高猶失意禮  
司曾賞會成名舊山風月知應好莫向秋時不

到京

二首 哭丘長史

曾到先皇殿上臣丹砂久服不成真常騎馬在  
嘶空櫪自作書留別故人詩句徧傳天下口朝  
衣長送地中身最悲昨日同遊處看即一作春  
風樹樹新一作春

二首 贈王秘書

早在山東聲價遠曾將順策佐嫖姚賦來詩句  
無閑語老去官班未入朝身屈祇聞詞客說居  
貧多見野僧招獨從書閣歸時晚春水橋邊看



柳條

二百廿四送枝江劉明府

老著青衫為楚宰平生志業有誰知家僮從去  
愁行遠縣吏迎來怪到遲定訪玉泉幽院宿應  
過碧澗早茶時向南漸漸雲山好一路唯聞唱  
竹枝

二百廿五送從弟徹東歸

緱山領印知公奏才稱同時盡不如奉使賀成  
登冊禮陪班看出降恩書迴程去在秋塵裏受  
詔辭歸曉漏初早晚得為朝署拜閑坊買宅作

隣居

二百廿六哭胡十八遇

早得聲名少有倫尋常志氣出風塵文場繼續  
成三代家族輝華在一身幼子見生纔滿月選  
書知寫未呈人送君帳下衣裳白數尺墳頭柏  
樹新

二百廿七贈賈島

籬落荒涼童僕飢樂遊原上住多時蹇驢放飽  
騎將出秋卷裝成寄與誰拄杖傍田尋野菜封  
書乞米趁朝炊姓名未上登科記身屈唯應內



史知

二言 逢王建有贈

年狀皆齊初有髭鵲山漳水每追隨使君座下  
朝聽易處士亭中夜會詩新作句成相借問閑  
求義盡共尋思經今三十餘年事却說還如昨

日時

二言 九 移居靖安坊答元八郎中見寄

長安寺後多時住唯守卑官不厭貧作活每常  
嫌費力移居祇是貴容身初開井淺偏宜樹漸  
覺街閑省躡塵更喜往還相去近門前減却送

書人

二言 送楊少尹赴鳳翔

詩名早日動長安首首人家卷裏看西學已行  
秦博士南宮新拜漢郎官得錢只了還書舖借  
宅常時事藥欄今去岐州生計薄移居偏近隴  
頭寒

二言 送韓侍御歸山

聞君久欲卧雲間為佐嫖姚未得還新結茅廬  
招隱客獨騎驄馬入深山九靈洞口行應到五  
粒松枝醉亦攀明日珂聲出城去家鐘不復掃



柴關

新除水曹郎答白舍人  
二百四十三新除水曹郎答白舍人見賀

年過五十到南宮章句無名賀至公黃紙開呈  
相府後朱衣引入謝班中諸曹縱許為仙侶羣  
吏多嫌是老翁幸有紫薇郎見愛獨稱官與古  
人同

二百四十三送楊少尹赴蒲城

官為本府當身榮因得還鄉任野情自廢田園  
今作主每逢耆老不呼名舊遊寺裏僧應識新  
別橋邊樹已成公事況閑詩更好將誰相逐上

山行

二百四十四哭元九少尹

平生志業獨相知早結雲山老去期初作學官  
常對宿晚登朝列暫同時閑來各數經過地醉  
後齊吟唱和詩今日春風花滿宅入門行哭見  
靈帷

二百四十五送侯判官赴廣州從事

年少才多求自展將身萬里向軍門辟書遠到  
開呈客公服新成著謝恩驛舫過江分白堊戍  
亭當嶺見紅旛海花蠻草連冬有行處無家不



滿園

言里山答白杭州郡樓登望畫圖見寄

畫得江城登望處寄來今日到長安乍驚物色  
從詩出更想工人下筆難將展書堂偏覺好每  
來朝客盡求看見君向此閑吟意肯恨當初作  
外官

言里山贈趙將軍

當年膽畧已縱橫每見妖星氣不平身貴早登  
龍尾道功高自破鹿頭城尋常得對論邊事委  
曲承恩掌內兵會取安西將報國凌煙閣上大

書名

張司業詩集卷第六



張司業詩集卷第七

絕句

五言一十八首  
七言九十六首

和韋開州盛山

十二首

宿雲亭

清淨當深處  
虛明向遠開  
卷簾無俗客  
應只見雲來

桃塢

二

春塢桃花發  
多將野客遊  
日西殊未散  
看望酒缸頭

梅溪

八



自愛新梅好行尋一徑斜不教人掃石恐損落  
來花

茶嶺 九

紫芽連白蕊初向嶺頭生自看家人摘尋常觸  
露路行

流盃亭 十

綠酒白螺盃隨流去復回似知人把處各向面  
前來

盤石磴 十一

疊石連空遠層層勢更危不知行幾市得到上

頭時

竹巖 三

獨入千竿裏綠巖踞石層筍頭齊欲出更不許  
人登

琵琶臺 四

臺上綠蘿春閑登不待人每當休暇目著屐戴  
紗綸巾

葫蘆沼 五

曲沼春流滿新蒲映綠鶯閑齋朝飯後拄杖繞  
行多



隱月岫六

月出深峯裏清光涼夏亦寒每嫌西落疾不得到  
明看

繡衣石榻七

山城無別味每藥菜兼魚果菓時引繡衣人到同來石  
上坐

上士泉併

以上十二首  
係盛山詩

階上一眼泉四邊青石秋瓦唯待護淨僧添併與  
盟漱

百土涇州塞

雙

行到涇州塞唯聞羌戍輦道邊發古堠猶記向  
安西

百八送遠客

憔悴遠行客殷勤欲別盃杯九星壇下路幾日見  
重來

百七寄西峯僧

松暗水涓涓夜涼人未眠西峯月猶在遙憶草  
堂前

百六禪師

獨在西峯頂年年閉石房定中無弟子人到為



焚香

云是惜花

山中春已晚處處見花稀明日來應盡林間宿  
不歸

百一 題暉禪師影堂

早日欲參禪竟無相識緣道場今獨到惆悵影  
堂前

百二 登樓寄胡家兄弟

獨上西樓盡日閑林煙演漾鳥綿蠻謝家兄弟  
重城裏不得同看雨後山

百三 答劉明府

身病多時又客居滿城故舊久相踈可憐絳縣  
劉明府獨解頻頻寄遠書

百四 酬藤杖

病裏出門行步遲喜君相贈古藤杖倚來自覺  
身生力每向傍人說得時

百五 法雄寺東樓

汾陽舊宅今為寺猶有當時歌舞樓四十年來  
車馬絕古槐深巷暮蟬愁

百六 寄故人



靜曲閑門病客居  
蟬聲滿樹槿花疎  
故人只在藍田縣  
強半年來不得書

夏五感春

遠客悠悠任病身  
謝家池上又逢春  
明年各自東西去  
此地看花是別人

百五 贈李司議

漢庭誰問投荒客  
十載天南著白衣  
秋草漫漫惡溪路  
嶺頭還送北人歸

百五 別客

青山歷歷水悠悠  
今日相逢明日秋  
繫馬城邊

楊樹<sub>中</sub>為君沽酒暫淹留

百五 寄府吏

野水尋花共作期  
今朝出郭不相隨  
待君公事有閑日  
此地春光應過時

百五 弟蕭遠雪夜同宿

數卷新遊蜀客詩  
長安僻巷得相隨  
草堂雪夜攜琴宿  
說似青城館裏時

百五 同白侍郎杏園贈劉郎中

一去瀟湘頭已白  
今朝始見杏園春  
從來遷客應無數  
重到花前有幾人



一百五十二 尋仙

溪頭一徑入青崖處處仙居隔杏花更見峯西  
幽客說雲中猶有兩三家

一百五十三 秋思

洛陽城裏見秋風欲作歸家一作書意萬重復恐忽  
忽說不盡行人臨發又開封

一百五十四 憶遠

行人猶未有歸期萬里初程日暮時唯愛門前  
雙柳樹枝枝葉葉不相離

一百五十五 玉仙館

長溪新雨色如泥野水陰雲盡向西楚客天南  
行漸遠山山樹裏鷓鴣啼

一百五十六 倡女詞

輕鬢叢梳潤掃眉為嫌風日下樓稀畫羅金縷  
難相稱故著尋常淡薄衣

一百五十七 答元八遺紗帽

墨紗方帽君邊得稱對山前坐竹牀唯恐被人  
偷翦樣前樣不曾閑戴出書堂

一百五十八 題僧院

聞師行講青龍院本寺往來多少年靜掃空房



唯獨坐千莖秋竹在簷前

題故僧影堂

香銷雲凝舊僧家僧刹殘形半壁斜日暮松煙  
寒漠漠秋風吹破絳蓮花

二首又二送元八

百神齋祭相隨徧尋水看山亦共行明日城西  
送君去舊遊重到獨題名

二首又三吳楚歌詞

庭前春鳥啄林聲紅夾羅襦縫未成今朝社日  
停針線起向朱櫻樹下行

二首又題方瞳上人月觀臺

一身清淨無童子獨坐空堂得幾年每夜焚香  
通月觀可憐光影最團圓

二首又寄宋景

詔發官兵取亂臣將軍弓箭不離身君今獨在  
征東府莫遣功名屬別人

二首又寄王奉御

愛君紫閣峯前好新作書堂藥竈成見欲移居  
相近住有田多與種黃精

二首又題渭北寺上方



昔祭郊壇今謁陵寺中高處重來登十餘年外人多別喜見當時轉讀僧

百五十八 題山寺僧院

終日不離塵土間若為人一作能見此身閑今朝暫共遊僧語更恨多時別舊山

百五十九 送客遊蜀

行盡青山到益州錦城樓下二江流杜家曾向此間住為到浣花溪水頭

百六十 憶故山

壘石為山伴野夫仍收靈藥讀仙書如今身是

千名一作他州客每見青山憶舊居

百六十一 贈陸暢

共躡長安街裏塵吳州獨作未歸身胥門舊宅今誰住君過西塘與問人

百六十二 答鄱陽客藥名詩

江臯歲暮相逢地黃葉霜前半夏枝子夜吟詩向松桂心中萬事喜君知

百六十三 華岳廟

金天廟下京西道巫女紛紛走似煙手把紙錢迎過客遣求恩福到神前



弱栢院僧影堂

弱栢倒垂如線蔓簷頭不見有枝柯影堂香火  
長相續應得人來禮拜多

言六病中酬元宗簡

東風漸漸滿城春獨向深房養病身莫說櫻桃  
花已發今年不作看花人

言七寺宿齋

晚到金光門外寺寺中新竹隔簾多齋官禁與  
僧相見院院開門不得過

言八贈施肩吾

世間漸覺無多事雖得空名未著身合取藥成  
相待喫不須先作上天人

言九贈王建

白君去後交遊少東野亡來篋笥貧賴有白頭  
王建在眼前猶見詠詩人

言十逢賈島

僧房逢著款冬花出寺行吟日已斜十二街中  
春雪滿馬蹄今去入誰家

言九春日早朝

曉陌春寒朝騎來瑞煙深處見樓臺夜來新雨



沙堤濕東上閣門應未開

百字涼州詞 三首

邊城暮雨鴈飛低蘆筍初生漸欲齊無數鈴聲  
遙過磧應馱白練到安西

古鎮城門白磧開胡兵往往傍沙堆巡邊使客  
行應早每待平安火到來

鳳林關裏水東流白草黃榆六十秋邊將皆承  
明主澤渾無人道取涼州

百字宮詞 二首

新鷹初放兔猶肥白日君王在內稀薄暮千門

臨欲鎖紅粧飛騎向前歸

黃金捍撥紫檀槽絃索初張調更高盡理昨來  
新上曲內官簾外送櫻桃

百字華清宮

溫泉流入漢離宮宮樹行行浴殿空武帝時人  
今欲盡青山空閉御牆中

百字崔駙馬養鶴

身閑無事稱高情已有人間章句名求得鶴來  
教翦翅望仙臺下亦將行

百字閑遊



老身不計人間事野寺秋晴每獨過  
病眼校來猶斷酒却嫌行處菊花多

百五十七 劉兵曹贈酒

一餅顏色似秋泉開向新栽小竹前  
飲罷身中更無事移牀獨就夕陽眠

百五十八 送梧州王使君

楚江亭上秋風起看發蒼梧太守船  
千里同行從此別相逢又隔幾多年

百五十九 寄朱闕二山人

爲箇朝章束此身眼看東路去無因  
歷陽舊客

今應少轉憶隣家二老人

百六十 寄李激

五度溪頭躑躅紅高陽寺裏講時鐘  
春山處處行應好一月看花到幾峯

百六十一 隣婦哭征夫

雙鬢初合便分離萬里征夫不得隨  
今日軍迴身獨歿去時鞍馬別人騎

百六十二 和崔駙馬聞蟬

鳳凰樓上多歡樂不覺秋風暮雨天  
應爲昨來身暫病蟬聲得到耳傍邊



百五和裴僕射看櫻桃花

昨日南園新雨後，櫻桃花發舊枝柯。天明不待人同看，繞樹重重履跡多。

百六和長安郭明府與友人縣中會飲

一尊新酒兩人同，好在街西水縣中。自恨病身相去遠，此時閑坐對秋風。

百七與唐觀看花

新紅舊紫不相宜，看覺從前兩月遲。更向同來詩客道，明年到此莫過時。

百八九華觀看花

街西無數閑遊處，不似九華仙觀中。花裏可憐池上景，幾重牆壁貯春風。

百九贈姚合

丹鳳城門向曉開，千官相次入朝來。唯君獨走衝塵土，下馬橋邊報直迴。

百十同韋貞外開元觀尋道士

觀裏初晴竹樹涼，閑行共到最高房。昨來官罷無生計，欲就師求斷穀方。

百十一同韓侍郎南溪夜賞

喜作閑人得出城，南溪兩月逐君行。忽聞新命



須歸去一夜船中語到明

重九使行至悟真寺

採玉峯連佛寺幽高高斜對驛門樓無端來去  
騎高馬寸步教身不得遊

重九重陽日至硤道

無限青山行已盡迴看忽覺遠離家逢高欲飲  
重陽酒山菊今朝未有花

重九贈主客劉郎中

憶昔君登南省日老夫猶是褐衣身誰知二十  
餘年後來作客曹相替人

重九同嚴給事聞唐昌觀玉蕊院近有仙過

因成絕句二首

千枝花裏玉塵飛阿母宮中見亦稀應共諸仙  
鬪百草獨來偷折一枝歸  
五色雲中紫鳳車尋仙來到洞仙家飛輪迴處  
無蹤跡唯有斑斑落地花

重九送蜀客

蜀客南行祭碧雞木綿花發錦江西山橋日晚  
行人少時見猩猩樹上啼

重九宮山詞



秋草宮人斜裏墓宮中誰送葬來時千千萬萬  
皆相似以家在城邊亦不知

百六 美人宮棋

紅燭臺前出翠娥海沙鋪局巧相和趁行移子  
巡收盡數數看誰得最多

百九 蠻州

瘴水蠻中入洞流人家多住竹棚頭青山海上  
無城郭唯見松牌記象州

百十 送元宗簡

貂帽垂肩窄皂裘雪深騎馬向西州暫時相見

還相別閉却閑門依舊愁

百十一 寄徐晦

鄠陂魚美酒偏濃不出琴齋見雪峯應勝昨來  
趨府日簿書牀上亂重重

百十二 寄白學士

自掌天書見客稀縱因休沐鎖雙扉幾回扶病  
欲相訪知向禁中歸未歸

百十三 題玉像堂

玉毫不著世間塵輝映分明十八身入夜無煙  
燈亦一作更好堂中唯有轉經人



二百里與賈島閑遊

水北原南草色新  
雪銷風暖不生塵  
城中車馬應無數  
解出閑行有幾人

二百里哭丘長史

丘公已歿故人稀  
欲過街西更訪誰  
每到子城東路上  
憶君相逐入朝時

二百里

哭孟郊

一作孟寂

曲江院裏題名處  
十九人中最少年  
今日春光君不見  
杏花零落寺門前

二百里患眼

三年患眼今年校  
免與風光便隔生  
昨日韓家後園裏  
看花猶似未分明

二百里答劉兢

劉君久被時拋擲  
老向城中作選人  
昨日街西相近住  
每來存問老夫身

二百里贈華嚴院僧

一身依止荒閑院  
燭耀窓中有宿煙  
徧禮法華經裏字  
不曾行到寺門前

二百里逢故人

山東二十餘年別  
今日相逢在上都  
說盡向來



無限事相看摩捋白髭鬚

百三送蕭遠弟

街北槐花傍馬垂病身相送出門遲與君別後  
秋風夜作得新詩說向誰

百四送辛少府任樂安

才多不肯浪容身老大詩章轉更新選得天台  
山下縣一家渾作學仙人

百五贈任道士

長安多病無生計藥舖醫人亂索錢欲得定知  
身上事憑君為算小行年

百六招周處士

閉門秋雨濕牆莎俗客來稀野思多已掃書堂  
安藥竈山人作意早經過

百七送許處士

高情自與俗人踈獨向藍溪僻處居會對白雲  
長取醉不能窻下讀閑書

百八送律師歸婺州

京中開講已多時曾作壇頭證戒師歸到雙溪  
橋北寺鄉僧爭就學威儀

百九題楊秘書新居



愛閑不向爭名地稱在街西最靜坊卷裏詩過  
一千首白頭新授秘書郎

百廿送暉師

九星壇下煎茶別五老峯前覓寺居作得新詩  
旋相寄人來請莫達空書

百廿送僧歸金州

聞道漢陰山水好師行一一徧經過事須覓取  
堪居處若箇溪邊藥最多

百廿尋徐道士

尋師遠到暉天觀竹院森森閉藥房聞入靜來

經七日仙童簷下獨焚香

百廿答開州韋使君寄車前子

開州午日車前子作藥人皆道有神慚愧使君  
憐病眼二千里外寄閑人

百廿蠻中

銅柱南邊毒草春行人幾日到金麟玉環穿耳  
誰家客自抱琵琶迎海神

百廿贈道士

茅山近別剡溪逢玉節青旄十二重自說年年  
上天去羅浮最近海邊峯



百五 望平驛作

茫茫菰草平如地  
渺渺長堤曲似城  
日暮未知投宿處  
逢人更問向前程

百五 宿天竺寺寄靈隱寺僧

夜向靈溪息此身  
風泉竹露淨衣塵  
月明石上堪同宿  
那作山南山北人

百六 送元紹

春日同遊漳水邊  
如今重說恨綿綿  
天涯相見還離別  
客路秋風又幾年

百七 喜王六同宿

十八年來恨別離  
唯同一宿詠新詩  
更相借問詩中語  
共說如今勝舊時

張司業詩集卷第七

山字蜀刻四卷本對勘之詩凡二百九首

字句向者有互有變異大出入也其次序不

若以對勘之凡未校未記之詩皆為宋蜀

本所無也 卷之七 上 游 翼 下

卷末錢牧齋跋中據日業之白後



君詩望第年年日座立  
民後可業多  
今日聖物人  
別且度時太宗  
女子凡子  
而矣人  
況  
又

張司業詩集

聯句

會合聯句

韓愈 孟郊

張徹

張籍

離別言無期會合意彌重籍病添兒女戀老喪

丈夫勇愈劔心知未謝詩思猶孤聳郊愁去劇

箭飛歡來若泉湧徹析言多新貫攄抱無昔壅

籍念難當勤追悔易勿輕踵愈吟巴山卓犖說

楚波堆壘郊馬辭虎豹怒舟出蛟鼉恐徹狂鯨

時孤軒幽狷雜百種愈瘴衣常腥膩蠻器多踈

冗籍刺苔弔班林角飯餌沉塚愈忽爾銜遠命



歸與舞新寵郊鬼窟脫幽妖天居覲清拱愈京

遊步方振謫夢意猶恂籍詩書誇舊知酒食接

新奉愈嘉言寫清越瘡病失朒腫郊夏陰偶高

庇宵魄接虛擁愈雪絃寂寂聽茗盃纖纖捧郊

馳輝燭浮瑩幽響泄潛葢愈詩老獨何心江疾

有餘種郊我家本漚穀有地介臯鞏休跡憶沉

冥我冠慙闡愈升朝高轡逸振物羣聽悚徒

言濯幽泌誰與薙荒茸籍朝紳鬱青綠馬飾曜

珪珙國讐未銷鑠我志蕩邛隴郊君才誠侷儻

時論方洵溶格言多彪蔚懸解無桔萃張生得

淵源寒色拔山冢堅如撞羣金眇若抽獨蛹愈

伊余何所擬跛鼈詎能踊塊然墮岳石飄爾胷

巢郊龍旆垂天衛雲韶凝禁甬君胡眠安然

朝鼓聲洶洶愈

春池汎舟聯句 裴度 崔羣 劉禹錫 賈餗

鳳池新雨後池上好風光上相公 禹錫取酒愁春盡留

賓喜日長度送 戶部柳絲迎畫舸水鏡寫雕梁羣送 賈

潭洞迷仙府煙霞認醉鄉餗送 張鶯聲隨笑語竹

色入壺觴籍送 主客晚景含澄徹時芳得豔陽禹錫 飛

鳧拂輕浪綠柳暗回塘度逸韻追安石高居勝



辟疆羣孟停新令舉詩動綵牋忙鍊顧謂同來  
客歡遊不可忘籍

宴興化池亭送白二十二東歸聯句裴白

東洛言歸去西園告別來白頭青眼客池上手  
中盃度離瑟必殷勤奏仙舟委曲迴征輪今欲動  
賓閣為誰開禹錫坐弄琉璃水行登綠縵苔花低  
粧照影萍散酒吹醅居易岸蔭新抽竹亭香欲變  
梅隨遊多笑傲遇勝且徘徊籍澄澈連天鏡潺  
湲出地雷林塘難共賞鞍馬莫相催度信及魚  
還樂機忘鳥不猜晚晴槐起霧新暑石添苔禹錫

擬作雲泥別猶思頃刻陪歌停珠貫斷飲罷玉  
峰頽居易雖有消搖志其如磊落才會當重入用  
此去肯悠哉籍

首夏猶清和聯句裴白劉

記得謝家詩清和即此時居易餘花數種在密葉  
幾重垂度芳謝人人惜陰成處處宜禹錫水萍爭

點綴梁燕共追隨行式亂蝶憐踈蕊殘鶯戀好枝

籍草香殊未歇雲勢漸多奇居易單服初寧體新

篔已出籬度與春為別近覺日轉行遲禹錫繞樹  
風光少侵階苔蘚滋行式唯思奉歡樂長得在西



池籍

薔薇花聯句裴白劉

似錦如霞色連春接夏開禹錫波紅分影入風好

帶香來度得地依東閣當階奉上台行式淺深皆

有態次第暗相催禹錫滿地愁英落綠堤惜棹回

度芳濃濡雨露明麗隔塵埃行式似著胭脂染如

經巧婦裁居易奈花無別計只有酒殘盃籍

西池落泉聯句裴白劉

東閣聽泉落能今夜興多行式散時猶帶沫淙處

却跳波度偏洗磷磷石還驚汎汎鶩籍色清塵

不染光白月相和居易噴雪紫松竹攢珠濺芰荷

禹錫對吟時合響觸樹更搖柯籍照圍紅分藥侵

階綠浸莎居易日斜車馬散餘韻逐鳴珂禹錫

張司業詩集拾遺

三原李氏園宴集

暮春天早熱邑居苦囂煩言從君子樂樂彼李

氏園園中有草堂池引涇水泉開戶西北望遠

見嵯峨山借問主人翁北州佐戎軒僕夫守舊

居為客施榻筵高壤有餘滋竹樹芳且鮮傾我

所持觴盡日共留連踈拙不偶俗常喜形體閑



況來幽棲地能不重笑言

山中酬人

山中日暖春鳩鳴逐水看花任意行向晚歸來  
石窻下菖蒲葉上見題名

岳州晚景

晚景寒鴉集秋聲旅鴈歸水光浮日去霞彩映  
江飛洲白蘆花吐園红柿葉稀長沙卑濕地九  
月未成衣

水

蕩漾空沙際虛明入遠天秋光照不極鳥色去

無邊勢引長雲濶波輕片雪連汀洲杳難測萬  
古覆蒼煙

和李僕射西園

過午歸閑處西亭敞四簷高眠著琴枕散帙檢  
書籤印在休通客山晴好捲簾竹涼蠅少到藤  
暗蝶爭潛晚鵲頻驚喜踈蟬不許拈石苔生紫  
點欄藥吐紅尖虛坐詩情遠幽探道侶兼所營  
當勝地雖儉復誰嫌

右五詩見木鐸集木鐸者司業詩之別名也  
前國子監書庫官張元龍震發得於故家張



氏問其由來則皇祐三年舍人毘陵錢公輔  
通守越郡時得於太守楊君云張洎家本也  
視他本最完大畧與今所刻司諫湯公家藏  
本相出入而此五詩則今刻本無之今刻本  
第六卷贈項斯七言則本鐸集闕焉因互見  
云魏峻併識

張司業詩集附錄

此日足可惜一首贈張籍

韓吏部愈

此日足可惜此酒不可嘗捨酒去相語共分一  
日光念昔未知子孟君自南方自矜有所得言

子有文章我名屬相府欲往不得驤思之不可  
見百端在中腸維時月魄死冬日朝在房驅馳  
公事退聞子適及牆命車載之至引坐於中堂  
開懷聽其說徃徃副所望孔丘歿已遠仁義路  
久荒紛紛百家起詭怪相披猖長老守所聞後  
生習爲常少知誠難得純粹古已亡譬彼植園  
木有根易爲長留之不遣去館置城西傍歲時  
未云幾浩浩觀湖湘衆夫指之笑謂我知不明  
兒童畏雷電魚鼈驚夜光州家舉進士選試繆  
所當馳辭對我策章句何煒煌相公朝服立工



席歌鹿鳴禮終樂亦闋相拜送於庭之子去須  
臾赫赫流盛名竊喜復竊歎諒知有所成人事  
安可恒奄忽令我傷聞子高第日正從相公喪  
哀情逢吉語愀怳難爲雙暮宿偃師西展轉在  
空牀夜聞汴州亂繞壁行傍徨我時留妻子倉  
卒不及將相見不復期零落甘所丁驕女未絕  
乳念之不能忘忽如在我前耳若聞啼聲中途  
安得返一日不可更俄有東來說我家免罹殃  
乘船下汴水東去趨彭城從喪朝至洛還走不  
及停假道經盟津出入行澗岡日西入軍門羸

馬顛且僵主人願少留延入陳壺觴卑賤不敢  
辭忽忽心如狂飲食豈知味絲竹徒轟轟平明  
脫身去決若驚鳧翔黃昏次汜水欲濟無舟航  
號呼久乃至夜濟十里黃中流上沙灘沙水不  
可詳驚波暗合杳星宿爭翻芒馬乏復悲鳴左  
右泣僕僮甲午憩時門臨泉窺鬪龍東南出陳  
許陂澤平茫茫道邊草木花紅紫相低昂百里  
不逢人角角雉雉鳴行行二月暮乃及南徐疆  
下馬步堤岸上船拜吾兄誰云經艱難百口無  
天殤僕射南陽公宅我睢水陽篋中有餘衣盍



中有餘糧閉門讀書史清風窻戶涼日念子來  
遊子豈知我情別離未爲久辛苦多所經對食  
每不飽共言無倦聽連延三十日晨坐達五更  
我友二三子宦遊在西京東野窺禹穴李翱觀  
濤江蕭條千萬里會合安可逢淮之水舒舒楚  
山直叢叢子又捨我去我懷焉所窮男兒不再  
壯百歲如風狂高爵尚可求無爲守一鄉

醉贈張秘書

人皆勸我酒我若耳不聞今日到君家呼酒持  
勸君爲此座中客及余各能文君詩多態度藹

藹春空雲東野動驚俗天葩吐竒芬張籍學古  
淡軒昂避雞羣阿買不識字頗知書八分詩成  
使之寫亦足張吾軍所以欲得酒爲文俟其醺  
酒味既冷冽酒氣又氤氳性情漸浩浩諧笑方  
云云此誠得酒意餘外徒繽紛長安衆富兒盤  
饌羅羶葷不解文字飲唯能醉紅裙雖得一餉  
樂有如聚飛蚊今我及數子固無猶與薰險語  
破鬼膽高詞媿皇墳至寶不雕琢神功謝鋤耘  
方今向泰平元凱承華勲吾徒幸無事庶以窮  
朝曛



贈張籍

吾老嗜讀書餘事不掛眼有兒雖甚憐教示不  
免簡君來好呼出踉蹌越門限懼其無所知見  
則先愧赧昨因有緣事上馬插手版留君住廳  
食使立侍盤棧薄暮歸見君迎我笑而莞指渠  
相賀言此是萬金產吾愛其風骨粹美無可揀  
試將詩義授如以肉貫弗開袪露毫末自得高  
蹇嵯我身蹈丘軻爵位不早縮固宜長有人文  
章紹編刻感荷君子德恍若乘朽棧召今吐所  
記解摘了瑟僂顧視窓壁間親戚競覘轡喜氣

排寒冬逼耳鳴睨眈如今更誰恨便可耕灞澆  
調張籍

李杜文章在光豔萬丈長不知羣兒愚那用故  
謗傷蚍蜉撼大樹可笑不自量伊我生其後舉  
頭遙相望夜夢多見之晝思反微茫徒觀斧鑿  
痕不矚治水航想當施手時巨刃磨天揚垠崖  
劃崩豁乾坤擺雷礮唯此兩夫子家居率荒涼  
帝欲長吟哦故遣起且僵翦翎送籠中使看百  
鳥翔平生千萬篇金薤垂琳琅仙官勅六丁雷  
電下取將流落人間者泰山一毫芒我願生兩



翅捕逐出八荒精誠忽交通百怪入我腸刺手  
拔鯨牙舉瓢酌天漿騰身跨汗漫不著織女襄  
顧語地上友經營無太忙乞君飛霞珮與我相  
頡頏

病中贈張十八

中虛得暴下避冷卧北窓不踴曉鼓朝安眠聽  
逢逢籍也處閭里抱能未施邦文章自娛戲金  
石日擊撞龍文百斛鼎筆力可獨扛談舌久不  
掉非君亮誰雙扶几導之言曲節初縱縱半途  
喜開鑿派別失大江吾欲盈其氣不令見麾幢

牛羊滿田野解旆束空杠傾樽與斟酌四壁堆  
甕缸玄帷隔雪風照爐釘明缸夜闌縱捍闔哆  
口踈眉厖勢佯高陽翁坐約齊橫降連日挾所  
有形軀頓胈肱歸將乃徐謂子言得無咤迴軍  
與角逐斫樹收窮龐雌聲吐款要酒壺綴羊腔  
君乃崑崙渠籍乃嶺頭瀧譬如蟻垤微詎可陵  
崆峒幸願終賜之斬拔枿與椿從此識歸處東  
流水淙淙

晚寄張十八助教周郎博士

日落風景曠出歸偃前簷晴雲如擘絮新月似



磨鎌田野興偶動衣冠情久厭吾生可攜手歎  
息歲將淹

題張十八所居

君居泥溝上泥濁萍青青蛙謹橋未掃蟬嘒門  
長局名秩後千品詩文齊六經端來問竒字爲  
我講聲形

翫月喜張十八負外與王六秘書至

前夕雖十五月長未滿規君未晤我時風露渺  
無涯浮雲散白石天宇開青池孤質不自憚中  
天爲君施翫翫夜遂久亭亭曙將披況當今夕  
圓又以嘉客隨惜無酒食樂但用歌嘲爲

與張十八同效阮步兵一日復一日

一日復一日一朝復一朝祇見有不如不見有  
所超食作前日味事作前日調不知久不死憫  
憫尚誰要富貴既繫拘貧賤亦煎焦俯仰未得  
所一世已解鑣譬如籠中鶴六翮無所搖譬如  
兔得跡安用東西跳還看古人書復舉前日瓢  
未知所究竟且作新詩謠

詠雪贈張籍

祇見縱橫落寧知遠近來飄飄還自弄歷亂竟



誰催座暖銷那怪池清失可猜坳中初蓋底垓  
處遂成堆慢有先居後輕多去却迴度前鋪瓦  
隴奔發積墻隈穿細時雙透乘危忽半摧舞深  
逢坎井集早值層臺砧練終宜搗階紈未暇裁  
城寒裝睥睨樹凍裹莓苔片片勻如翦紛紛碎  
若按定非燭鵠鷺真是屑瓊瑰緯繡觀朝萼冥  
茫矚晚埃當窻恒凜凜出戶即皚皚壓野榮芝  
菌傾都委貨財娥嬉華蕩漾胥怒浪崔嵬磧迥  
疑浮地雲平想輾雷隨車翻縞帶逐馬散銀盃  
萬屋漫汗合千株照曜開松篁遭挫抑糞壤獲

饒培隔絕門庭遽擠排陞級纔豈堪裨岳鎮強  
欲效鹽梅隱匿瑕疵盡包羅委瑣諛誤雞宵呢  
喔驚雀暗徘徊浩浩過三暮悠悠而九垓鯨鯢  
陸死骨玉石火炎灰厚慮填溟壑高愁擻斗魁  
日輪埋欲側坤軸壓將頽岸類長虵攪陵猶巨  
象逐水官誇傑黠木氣怯胚胎著地無由捲連  
天不易推龍魚冷蟄苦虎豹餓號哀巧借奢豪  
便專繩困約災威貪凌布被光肯離金罍賞翫  
捐他事歌謠放我才狂教詩碑硯興與酒培璫  
唯子能諳耳諸人得語哉助留風作黨勸坐火



為媒雕剡文刀利搜求智網恢莫煩相屬和傳  
示及提狹

贈張十八助教

喜君眸子重清朗攜手城南歷舊遊忽見孟生  
題竹處相看淚落不能收

賀張十八秘書得裴司空馬

司空遠寄養初成毛色桃花眼鏡明落日已曾  
交轡語春風還擬並鞍行長令奴僕知飢渴須  
著賢良待性情旦夕公歸申拜謝免勞騎去逐  
雙旌

雨中寄張博士籍侯主簿喜

放朝還不報夜半踡泥歸雨慣曾無節雷頻自  
失威見牆生菌徧憂麥作蛾飛歲晚徧蕭索誰  
當救晉饑

早春與張博士籍遊楊尚書林亭寄第  
三閣老兼呈白馮二閣老

牆下春渠入禁溝渠水初破滿渠浮鳳池近日  
長先暖流到池時更不流

同張水部籍遊曲江寄白二十二舍人

漠漠輕陰晚自開青春白日映樓臺曲江水滿



花千樹有底忙時不肯來

和張水部勅賜櫻桃

漢家舊種明光殿炎帝還書本草經豈似滿朝  
承雨露共看傳賜出青冥香隨翠籠擎初重色  
照銀盤瀉未停食罷自知無補報空然慙汗仰  
皇局

早春呈水部張十八員外

二首

天街小雨潤如酥草色遙看近却無最是一年  
春好處絕勝煙柳滿皇都

莫道官忙身老大即無年少逐春心憑君先到

江頭看柳色如今深未深

讀張籍古樂府詩

白侍郎居易

張君何為者業文三十春九工樂府詩舉代少  
其倫為詩意如何六義互鋪陳風雅比興外未  
嘗著空文讀君學仙詩可諷放佚君讀君董公  
詩可誨貪冒臣讀君商女詩可感悍婦仁讀君  
勤齊詩可勸薄夫敦上可裨教化舒之濟萬民  
下可理情性卷之善一身始從青衿歲迨此白  
髮新日夜秉筆吟心苦力亦勤時無采詩官委  
棄如泥塵恐君百歲後滅没人不聞願藏中秘



書百代不湮淪願播內樂府時得聞至尊言者  
志之苗行者文之根所以讀君詩亦知君爲人  
如何欲五十官小身賤貧病眼街西住無人行  
到門

贈張十八

諫垣幾見遷遺補憲府頻聞轉殿監獨有詠詩  
張太祝十年不改舊官銜

喜張十八博士除水部員外郎

老何歿後吟聲絕雖有郎官不愛詩無復篇章  
傳道路空留風月在曹司長嗟博士官猶屈亦

恐騷人道漸衰今日聞君除水部喜於身得省  
郎時

江樓晚眺景物鮮竒吟翫成篇寄水部

張員外

杭州

澹煙疎雨間斜陽江色鮮明海氣涼  
蜃散雲收破樓閣虹殘水照斷橋梁  
風翻白浪花千片鴈點青天字一行  
好著丹青圖寫取題詩寄與水

曹郎

雨中招司業宿

過夏衣香潤迎秋簟色鮮斜支花石枕  
卧詠蒞



珠篇泥濘非遊日陰沉好睡天能來同宿否聽  
雨對牀眠

酬張十八訪宿見贈

昔我爲近臣君常稀到門今我官職冷唯君往  
來頻我受狷介性立爲頑拙身平生雖寡合合  
即無緇磷況君秉高義富貴視如雲五侯三相  
家眼冷不見君問其所與游獨言韓舍人其次  
即及我我愧非其倫胡爲謬相愛歲晚逾勤勤  
落然頽簷下一話夜達晨牀單食味薄亦不嫌  
我貧日高上馬去相顧猶逡巡長安久無雨日

赤風昏昏憐君將病眼爲我犯埃塵遠從延康  
里來訪曲江濱所重君子道不獨愧相親

寄張十八

飢止一簞食渴止一壺漿出入止一馬寢興止  
一牀此外無長物於我有若亡胡然不知足名  
利心遑遑念茲彌懶放積習遂爲常經旬不出  
門竟日不下堂同病者張生貧僻住延康慵中  
每相憶此意未能忘迢迢青槐街相去八九坊  
秋來未相見應有新詩章早晚來同宿天氣轉  
清涼



答張籍因以代書

憐君馬瘦衣裘薄許到江東訪鄙夫今日正閑  
天又暖可能扶病暫來無

酬張太祝晚秋卧病見寄

高才淹禮寺短羽翔禁林西街居處遠北闕官  
曹深君病不來訪我忙難往尋差池終日別寥  
落經年心露濕綠蕪地月寒紅樹陰况茲獨愁  
夕聞彼相思吟上歎言笑阻下嗟時歲侵容衰  
曉窻鏡思苦秋絃琴一章錦繡段八韻瓊瑤音  
何以報珍重慙無雙南金

曲江獨行招張十八

曲江新歲後冰與水相和南岸猶殘雪東風未  
有波偶遊身獨自相憶意如何莫待春深去花  
時鞍馬多

酬韓侍郎張博士雨後遊曲江見寄

小園新種紅櫻樹閑繞花行便當遊何必更隨  
鞍馬隊衝泥躡雨曲江頭

逢張十八負外籍

旅思正茫茫相逢此道傍晚嵐林葉暗秋露草  
花香白髮江城守青衫水部郎客亭同宿處忽



似夜歸鄉

張十八負外以新詩二十五首見寄郡樓  
月下吟翫通夕因題卷後封寄微之  
秦城南省清秋夜江郡東樓明月時去我三千  
六百里得君二十五篇詩陽春曲調高難和淡  
水交情老始知坐到天明吟未足重封轉寄與  
微之

裴相公見示答張秘書謝馬詩并羣公

屬和因命追作

劉賓客禹錫

草玄門巷少塵埃丞相并州寄馬來初自塞垣

銜首蕭忽行山徑破莓苔尋花緩轡透迤去帶  
酒垂鞭蹀躞回不與王侯與詞客知輕富貴重  
清才

張郎中籍遠寄長句開緘之日已及新

秋因舉目前仰酬高韻

南宮詞客寄新篇清似湘靈促柱絃京邑舊遊  
勞夢想歷陽秋色正澄鮮雲銜日脚成山雨風  
駕潮頭入渚田對此獨吟還獨酌知音不見思  
蒼然

和令狐相公言懷寄河中楊少尹



章句慙非第一流世間才子昔陪遊吳宮已歎

芙蓉死張司業詩云吳宮四面秋邊月空悲蘆管秋李尚

任向洛陽稱傲吏分司白苦教河上領諸侯天平石

渠甘對圖書老關外楊公安穩不

自昔名人勝士生平游歷之地世傳以為美

談而物之經品題者一時亦為之增重錢唐

之人以歐公不一來為恨東坡謂江山奇麗

秀絕之氣常為能文者用西湖特公几案間

一物所謂言有大而非誇者也唐張司業樂

府世多傳罕有盡得其他詩者侍講司諫湯

公獨表而出之司業所居里舊史畧弗錄新

史稱為和州烏江人未有質其居吳者司諫

始訂而信之峻嘗誦司業詩有學者号韓張

之句世無韓吏部不當在弟子列其磊磊落

落在人耳目者如此而遺風餘韻邦人弗傳

圖志弗載世之泯滅不少槩見者可勝道哉

峻既刊司業詩因取以補郡志之闕遂為中

吳一段奇事淳祐丙午立春日壽春魏峻識

唐新書韓愈傳云張籍和州烏江人番陽湯

中据退之傳後序稱吳郡張籍及司業寄蘇



州白使君云登第早年同座主題詩今日是  
州民知司業爲吳人後嘗居和故唐史誤以  
爲和人也張洎亦云蘇州吳人此本多古詩  
十數首學仙董公二詩樂天所稱可上諷人  
主下誨藩臣者亦具載焉較他本最爲完善  
虞山錢謙益

余得此本於錢禮部錢得於趙清常平生所  
見凡四五本唯此爲佳讀者其知之上黨馮班

張司業詩集終